

1 Korin

Korin niŋ Yesuyen alya bereya hitte Pol beŋ haŋkapy aŋ kayyini

1 ¹Ne Polbe Al Kurun beŋ dufayminde po Yesu Kristuyen mere basan al aposel hiyyen yen hoy niryin. Ningeb meten kadninin Sostenesya neya beŋ ²deŋ Korin taunde niŋ Yesu Kristuyen alya bereya sios Al Kurun beŋ doyan dirde hi goya Doyan Al Kuruninin Yesu Kristu doloŋ irde haŋ mar megen hike kwa kurun goya goyen goke aŋ gago kaŋ har. Deŋ Korin niŋ siosbe Yesu Kristu niŋ dufaytin saŋin irke Al Kurun beŋ yen ge ten hoyan mun dapat dirtin haŋ. Irde wukken wor po yiren yen hoy dirtinyen haŋ. Yesu Kristube yen doloŋ irde haŋ mar megen hike kwa kurun goya neŋyat Doyan Al Kurun.

³Ningeb Adoninin Al Kurunya Doyan Al Kurun Yesu Kristuya beŋ buniŋen dirde igin igin dirde bitin yisikamke igin hiwon yen nurde har.

Pol beŋ Korin niŋ Yesuyen alya bereya niŋ Al Kurun igin nurd unyin

⁴Be, deŋbe Yesu Kristuya haŋ geb, Al Kurun beŋ buniŋen dirde igin igin dirde hi. Ningeb goke ten huginen Al Kurun igin wor po nurd unen himyen. ⁵⁻⁶Al Kurun igin nurd unen himyen gote min kurabe gahade: neŋ beŋ Yesu Kristu niŋ tagaltekeb mere go nurdeb bitinde tareŋ hitin haŋ gwahade goyen po, deŋ goyen Yesu Kristuya hikeb mere ten tenya saba fudinde bebak ten tenya kurun gobe igin mat wor po titek po dirtinyen haŋ. ⁷Gwahade ningeb Doyan Al Kuruninin Yesu Kristu sopte mulgan heŋ wawon wor po yen nurde goke doyan heŋya Holi Spirityen tareŋ kawan forok yen yen mata goyen tumnan yawartin ala haŋ. ⁸Deŋ gwahade gobe Al Kurun beŋ saŋin dirde hike kun kun nalu funan forok yiyyen. Gogab nalu funan Yesu Kristu wan wan goyenterbe ultinde merem mon hinayin. ⁹Ningeb neŋ beŋ Urmin Doyan Al Kuruninin

Yesu Kristuya awalikde hinayin yeq hoy diryin al Al Kurunbe yeq ge hekkej nurtek al hi.

Yesuyen alya bereya bana bipti forok yamin

¹⁰Be, kadne yago, den tumnanj kadam mohonde ten ten mata ma ten hinayin. Mere ten hinayin kurun goyen banabe dufay unjurej po kerde mere ten hinayin yeq gago Doyan Al Kurunnin Yesu Kristuyen denemde dinen hime. Monjo gwaha ma tinayinbe den han bana gonj kadam kilon gird ten hikeb bipti forok yenayin. Ningeb bada hen bitinya dufaytinya unjurej po kerde awalikde po hinayin. ¹¹Kadne yago, ne ga dinen hime gabe al kura Kloeya hanjen mar kura gore wanbe dindiken ulin dufay budam yerde kadam mohonde ten hanjen goke momon niran geb, gago dinen hime. ¹²Den han bana gonj nin al kurabe, “Nenbe Polyen saba gama irde hite,” yeq han. Kurabe, “Apolosyen saba gama irde hite,” yeq han. Irde kuratinbe, “Pitayen^a saba gama irde hite,” munan kurabe, “Yesu Kristuyen saba gama irde hite,” yeq han. ¹³Danin gwaha ten han? Yesu Kristube walkaka irde hoyan hoyan irtin geb, gogo ten han? Ne Pol gare den ge ten kuruse hende kammirin? Irde ne Polyen tarenje baptais tamin? Mon, gwahade mon!

¹⁴Den belej mata gwahade ten han go nurdeb ne belej hanjapya Krispusya Gaiusya po baptais yirdeb den kurabe baptais ma dirmirin goke Al Kurun igin wor po nurd unen hime. ¹⁵Ningeb den belej epte ma, “Nenbe Polyen tarenje baptais titirin,” yenayin. ¹⁶Fundinde, Stefanasya yenya hanjen mar goyen wor baptais yirmirin yeq nurde hime. Munan al hoyanbe gwaha yirmirin yeq ma nurde hime. ¹⁷Yesu Kristu belej nad nerke den hitte kumirin gobe al baptais yird yird nin ma kumirin. Gwahade yarabe yeq ge yitin mere igin goyen tagal tagal nin kumirin. Kun tagalde henjyabe monjo Yesu Kristu kuruse hende kamyin gote sanjbe hubu hiyyenkek yeqbe megen nin alen dufay wukkek yeq hanjen goyen ma gama irde tagalde hinhem.

Yesu Kristube Al Kurunyen tarenja dufay wukkeya minyan

¹⁸Be, Yesu kuruse hende kamyin gote merebe megen nin alen dufay gama irde kame kak alare kutek marbe kukuwamnen nurde han. Goyenpoga nen Al Kurun belej dumulgan titin marbe mere gobe mataninin gergen ird ird taren minyan yeq nurde hite. ¹⁹Kukuwamnen nurde han mar gokeb Al Kurunyen asande mere gahade katin hi:

“Al kura, ‘Nenbe megen nin dufay wukkekninin yan,’ yeq han marte dufay wukkek goyen gwamun yuren.

Irde ‘Kenkela bebak ten ten sanjnninin yan,’ yeq han marte bebak ten ten taren goyen ten sija iren,” yitin hi.

Aisaia 29:14

^a 1:12 Denem hoyanbe Sifas.

²⁰Ningeb megen niŋ dufay wukkek miŋyaŋ albe Al Kurun dilingde meten igiŋ dahade ten haŋ? Saba ten ten marbe Al Kurun dilingde meten igiŋ dahade ten haŋ? Irde gayenter dufay gergen forok yirde al biŋ yawarde haŋ marbe Al Kurun dilingde meten igiŋ dahade ten haŋ? Hubu wor po! Al Kurun belen megen niŋ alyen dufay wukkek yen hanŋyen goyen kukuwamŋen wor po iryiŋ. ²¹Ningeb megen niŋ alyen dufay go gama irde haŋ marbe epte ma Al Kurun nurd untek yiryiŋ gobe Al Kurun belen dufaymiŋ wukkek kerde gogo gwahade yiryiŋ. Irde mere tagaltekeb megen niŋ al belen mere kukuwamŋen yen hanŋyen goyen al kura belen mereniniŋ goyen nurde Yesu Kristu niŋ dufaymiŋ tareŋ irnayiŋ marbe yad yad niŋ Al Kurun belen amanen nurde dufay gogo kiryiŋ.

²²Yuda marbe mata tiŋen Al Kurun belen po ga irtek goke po nanŋkenen haŋ. Grik marbe megen niŋ alyen dufay wukkek goke po nanŋkenen haŋ. ²³Gega nenbe Yesu Kristu kuruse hende kamiŋ goke po tagalde hite. Goyenbe Yuda marbe Mesaiabe gwahade mat ma kamiŋ yen nurde hanŋyen geb, gwahade nurde hanŋyen gore Yesu Kristu niŋ yitiŋ mere goyen bebak ten ten belnen pet tike mata bulunde katen haŋ. Irde Yuda mar moŋ al miŋ hoyanbe Yesu Kristu niŋ yitiŋ mere gobe kukuwamŋen nurde haŋ. ²⁴Goyenpoga al kura Al Kurun belen basiŋa yirtiŋ marbe Yesu Kristu belen Al Kurunyen saŋinya dufay wukkekya goyen kawan yiryiŋ yen nurde haŋ. Yuda mar kura Al Kurun belen basiŋa yiryiŋ marbe gwahade nurde haŋ. Al miŋ hoyan Yuda mar moŋ goyen Al Kurun belen basiŋa yirtiŋ mar wor gwahade po nurde haŋ. ²⁵Megen niŋ marbe Yesu kuruse hende kamiŋ gobe Al Kurunyen dufay po gama irde gogo tiyyiŋ mere goyen nurdeb Al Kurunyen dufay gobe kukuwamŋen yen nurde haŋ. Gega Al Kurunyen dufaybe alyen dufay gote folek geb, gogo Yesu kuruse hende kamde Al Kurunyen dufay wukkek goyen kawan iryiŋ. Megen niŋ marbe Al Kurunyen tareŋbe kurun moŋ geb Yesu kenen unan tike kuruse hende kamiŋ gogo yen nurde haŋ. Gega Al Kurunyen tareŋbe alyen saŋiŋ gote folek geb, gogo Yesu kuruse hende kamiŋ gega sopte isaŋ hen tareŋmiŋ kawan iryiŋ.

²⁶Be, kadne yago, hanŋkapa Al Kurun belen hoy ma diriyiŋyabe megen niŋ marte dilingdeb dahade hinhan goke dufay henan ko. Deŋ dunŋuren dunŋuren po ga megen niŋ alyen dufay wukkek yen hanŋyen go miŋyaŋ hinhan. Irde deŋ bana gonbe al deŋem yanbe budam ma hinhan. Doyan mar wor budam moŋ. ²⁷Goyenpoga Al Kurunbe megen niŋ alyen dufay wukkek goyen goniniŋ yan yen haŋ mar memya henan yenbe dufay go miŋmoŋ mar basiŋa yiryiŋ. Irde al tareŋniniŋ yan yen haŋ mar memya henan yenbe saŋiŋ miŋmoŋ mar basiŋa yiryiŋ. ²⁸Irde megen niŋ mar belen al kura gogo yen ma yenen hanŋyen irde al deŋem moŋ yinen hanŋyen mar goyen Al Kurun belen basiŋa yiryiŋ. Al Kurunbe megen niŋ mar belen det kurun yen nurde haŋ det gobe gwamuŋ yurde det titmiŋen

yeŋ nurde haŋ det gobe basaŋa yiryiŋ. ²⁹Gogab al kura beleŋ epte ma Al Kurun diliŋde yingen ge turun turun teŋ hinayiŋ. ³⁰Goyenpoga denbe Al Kurun beleŋ basaŋa diryiŋ geb, Yesu Kristuya haŋ. Yesu Kristube dufay wukkek Al Kurun hitte mat watiŋ gote miŋ al heŋbe dufay wukkek dunen hi. Yeŋbe gwahade geb, neŋ gayen dufay wukkek go dunenbe mata bulun de mat dumulgaŋ tiye yeŋ nende gasun teŋ kamiŋ. Irde Al Kurun diliŋde al huwak, irde wukkek wor po diryiŋ. ³¹Niŋgeb goke teŋ Al Kurunyen asaŋde gahade katiŋ hi:

“Al kura yiŋgeŋ ge turun turun tiye yeŋbe Doyaŋ Al Kurun po ga turun iryeŋ,” yitiŋ.

Yeremaia 9:24

2 ¹Be, kadne yago, haŋkapy a den hitte kun gor heŋyabe Al Kurunyen dufay banare hinhin goyen kawan irde momoŋ dirde hinhem. Gwaha dirde heŋyabe mere al beleŋ hapek yaŋ nurtek mat ma momoŋ dirde hinhem. Irde megen niŋ alyen dufay wukkek yeŋ hanŋen go hende huwarde ma momoŋ dirde hinhem. ²Go dirde hinhem gobe denŋa heŋya det hoyan hoyan niŋ ma nuren, Yesu Kristu niŋ po nuren, irde yeŋ kuruse hende kamiŋ goke po nuren yeŋ dufay heŋ hinhem geb, gogo dirde hinhem. ³Ne denŋa hinhetyabe Al Kurunyen metenbe kurun geb, nigen tarenner epte moŋ yeŋ nurde hinhem. Irde moŋgo metenmiŋ bulun ireŋ yeŋbe kafura heŋ barbar wor po yeŋ hinhem. ⁴Niŋgeb Al Kurunyen mere tagalde saba dirde heŋyabe megen niŋ alyen dufay wukkek, kirmiŋtiŋde hapek yaŋ nurtek goyen gama irde ma tagalde hinhem. Gwaha titenbe Holi Spirityen saŋiŋde meten teŋ himeke gote iginen kawan forok yeŋ hinhan. ⁵Go teŋ hinhem gobe dufaytiŋ Yesu niŋ taren iramiŋ goyen megen niŋ alyen dufay wukkek yeŋ hanŋen go hende moŋ Al Kurunyen taren de dufayniniŋ saŋiŋ irtiriŋ yeŋ nurnayiŋ yeŋbe gogo Holi Spirityen taren de meten teŋ hinhem.

Dufay wukkekbe Holi Spirit beleŋ dunen hi

⁶Be, neŋ Al Kurunyen mere tagal tagal marbe Yesu gama ird ird matare parguwak yara hitiŋ mar goya heŋ Al Kurunyen dufay wukkek goke saba tagalde hite. Goyenbe megen niŋ alyen dufay wukkek yeŋ hanŋen go hende ma tagalde hite. Irde megen niŋ doyaŋ mar kame hubu henayiŋ gote dufay wukkek yeŋ hanŋen go hende huwarde ma tagalde hite. ⁷Gwaha titenbe Al Kurunyen dufay wukkek banare hitiŋ bebak titek moŋ goyen tagalde hite. Al Kurunyen dufay wukkek gobe kame nalu funaŋde denŋiniŋ turun yaŋ heŋ heŋ ge Al Kurun beleŋ haŋkapy wor po megen ga forok ma yekeya ep iryiŋ go goyen. ⁸Dufaymiŋ wukkek gobe megen niŋ doyaŋ mar beleŋ bebak ma tiyamiŋ. Bebak tiyamiŋ manhan Doyaŋ Al Kurun tarenmiŋ turun yaŋ wor po goyen kuruse hende ma mayke kamwoŋ. ⁹Goyenbe go mar gore gwaha tinayiŋ yeŋbe bikken Al Kurunyen asaŋdeb gahade katiŋ:

“Al Kurun beley yen ge amanyen nurd uney han mar nin det gitik ten yunyinj gobe megen nin marbe dilingde ma kennayinj, kirmijnde ma nurnayinj, irde epte ma det go forok yenayinj yen nurde hinayinj,” yitij hi.

Aisaia 64:4

¹⁰Goyenbe ney hittebe Al Kurun beley Holi Spirit inke det goyen dikala diryinj. Holi Spiritbe det tumnan yeney kenkela nurde bebak ten hiyen. Al Kurunyen dufay banare wor po hi goyen manay kenkela nurde bebak ten hiyen geb, gogo Al Kurun beley inke ney hitte wan dikala diryinj. ¹¹Be, ganun al beleybe kadamde dufay goyen epte kenej bebak tiyyen? Hubu wor po. Al goyen yingen po gab dufaymin goyen nurde hiyen. Gwahade goyen po, al kura beley Al Kurunyen dufay epte ma nuryen. Al Kurunyen dufaybe Holi Spirit po gab nurde hiyen. ¹²Neybe megen nin mar beley dufay hej han gwahade ma dufay hej hite. Gwahade yarabe da detbe Al Kurun beley murungem mon dulin duntij goyen bebak tinayinj yenbe Holi Spirit Al Kurun hitte mat watij go po gab ney hitte hi. ¹³Ningeb mere tagalde hite gobe megen nin alyen dufay wukkek yen hanjen go hende huwarde ma tagalde hite. Gwaha titnenbe Holi Spirit beley saba dirtij go hende huwarde tagalde hite. Ningeb mere fudinde Holi Spirit beley yitij goyen Holi Spirityen yufuk bana han mar goyen nurde bebak tinayinj yen momon yirde hite. ¹⁴Gega al kura Holi Spirityen yufuk bana ma hej megen nin dufay po gama irde han marbe mataya mereya Holi Spirit beley forok yirde hi goyen epte ma yeney bebak ten kukuwamnen po nurde hinayinj. Ningeb mel gobe mataya mereya Holi Spirit beley forok yirde hi goyen ma yade han. Gobe Holi Spirityen yufukde han mar beley po gab yeney bebak ten han geb, gago dinen hime. ¹⁵Goyenbe Holi Spirit yufuk bana hi albe mataya mereya kurun goyen igij ma bulun goyen igij yeney bebak ten hiyen. Gega al gobe al mali hoyan kura beley epte ma al igij ma bulun innayinj. ¹⁶Gokeb Al Kurunyen asande gahade katiij hi:

“Ganun al beley Doyan Al Kurunyen dufay kenej bebak ten hi? Hubu wor po.

Ganun al beley igij saba iryen? Epte mon,” yitij. *Aisaia 40:13*
Goyenpoga nenbe Yesu Kristuyen dufay kenej bebak ten hite.

Yesuyen alya bereya yingen ulij fitfut tiyamin goke yirin

3 ¹Be, kadne yago, denya hinhemyabe den goyen bitinde Holi Spirit beley sanij meten ten hi yen ma denen hinhem. Dufaytinbe Yesu Kristu nin tarej iramin gega, bitij banabe megen nin dufay beley po kurun hike denenbe dirij muknen dufaymin hako po han goyen saba yirtij yara dirde hinhem. ²Dirij muknenbe bingge tarej epte ma netek geb, mamu po nene hanjen. Ningeb den wor gwahade goyen denenbe

saba sanij ma dirde hinhem. Gayenter wor bikken hinhan gwahade po hanj. ³Gobe bitij banabe megen nij dufay po kurun hi geb, gwahade po hanj. Ga dinenj hime gabe denj bana gonj kadtij iginj mat hike yenenjbe goke bitij ar yenj hi, irde kadom mohonde tenj hanj geb, gago dinenj hime. Denj mata gwaha tenj hanj gobe bitij bana megen nij dufay po kurun hi geb, mata gogo tenj hanj. Holi Spirit minjon marte mata gama irde hanj geb, gogo tenj hanj. ⁴Ga dinenj hime gabe kuratij belej, “Nenbe Polyen saba gama irde hite,” yenj hanj, irde kura belej, “Nenbe Apolosyen saba gama irde hite,” yenj hanj gobe Holi Spirit minjon marte mata geb, gogo megen nij marte mata po tenj hanj dinenj hime. ⁵Metenderebe Al Kurun belej hoyanj hoyanj dunyij. Ningeb Apolosbe ganun? Irde Polbe ganun? Deyyabe tumnanj Al Kurunyen metenj mar ulij po. Ningeb denj ge metenj tiyyekeb gogo Yesu nij dufaytij tarej iraminj. ⁶Gwahade geb ne Polbe det muykenj tur irtij yara denj bitij bana Al Kurunyen mere goyen kirmirinj. Irkeb Apolos belej Al Kurunyen mere go kurun hiyyen yenjbe det hartij go fe yunenj doyanj yirde hanj yara doyanj irde hinhin. Goyenbe det hartij go forok irde kurun ird ird albe Al Kurun, yenj unjkurenj po. ⁷Ningeb Al Kurunyen mere al binde tur ird ird alya mere go fe unenj doyanj ird ird alyaabe turun yirtek monj. Mere go kurun ird ird al Al Kurun yenj munj po gab turun irtek. ⁸Munanj Al Kurunyen mere al binde hard hard alya mere go kurun henj henj ge doyanj ird ird alya gote metenjbe hoyanj hoyanj monj. Al Kurun diliñdeb unjkurenj po. Goyenbe metenj nende gigen yuntij gote murungembe kame metenjinj gote iginenj dahade forok yitij goyen yenenj gab murungem gwahade po yunenj. ⁹Fundinde, neya Apolosyabe tumnanj Al Kurun nij tenj metenj tenj har. Munanj denjbe Al Kurunyen binje metenj yara. Irde Al Kurunyen ya balem go gwahade goyen.

¹⁰Be, Al Kurun belej buninenj dirde iginj iginj diryij geb, al kura ya ird ird mata nurde pasi hitij al gore kenkela po tola yimiyyen gwahade yara nebe denj hitte kunj Yesuyen alya bereya sios forok ird ird metenj minj urmirinj. Irkeb al hoyanj belej metenj timirinj go hende sios forok irde hanj. Mata gobe tola yimiytij go hende al hoyanj belej ya irde hanj go gwahade goyen. Goyenbe tola yimiytij go hende ya irde hanj marbe daha mat ya go irde hanj goke kenkela nurde ga irde hinayij. ¹¹Tola tarej hanj kanya timiytij tola gobe Yesu Kristu. Ningeb al kura tola hoyanj kura sopte ma yimiyyen. ¹²Yesu Kristu hitte mat sios forok irde hanj marte metenjinj kurabe iginj wor po, kurabe iginj wor po monj. Gobe al belej ya yirtij yara. Al kurabe gol, kurabe silwa, kurabe hora damum hende wor po yade ya yirnayij. Irde al kurabe he, kurabe yamun, kurabe hunj belej po ya yirnayij. ¹³Irde kunj kunj al iginja bulunya pota yird yird nalu funanj forok yeke ya yirtij go kak belej kunga tike gab ya yirtij mar bana ganunyen metenjbe iginj, munanj ganunyen metenjbe iginj wor po monj

goyen kawan forok yiyyen. ¹⁴Kak belen kunga tiyyen gega, ya daminbe sanin hiyyen gobe ya go iryin albe gote murungem tiyyen. ¹⁵Munan ya go humga kukeb ya go iryin al gote murungembe hubu geb, bin misin nuryen. Yingenbe Al Kurun belen ten gasunminde kiryen. Gega al gobe yamin humga kuke detmin tumnan ya binde yubul ten busaharde ulin ulin po hiyen go gwahade metenmin gote murungembe hubu wor po hiyyen.

Yesuyen alya bereyabe Al Kurunyen ya balem

¹⁶Be, den Yesuyen alya bereyabe Al Kurunyen ya balem, irde Holi Spirit den bana hi goyen ma nurde han? ¹⁷Al Kurunyen yabe balem wor po, irde denbe ya balem gogo geb, al kura belen Al Kurunyen ya go bulun iryenbe Al Kurun belen al go gwamun uryen.

Megen nin alyen dufay wukkek yen hanyen gobe Al Kurun dilingde det dirnen wor po

¹⁸Be, denbe dindiken usi ma yirde hinayin. Ningeb den han bana al kura belen yingen ge yenbe, “Nebe megen nin alyen dilingde dufay wukkek minyan al yen nenen han,” yen nurde hi kenem dufay go tubul po tiyyen. Gwaha ten hike megen nin mar belen kukuwamnen kenen hinayin gega, Al Kurunbe dufay wukkek minyan yen kinyen. ¹⁹Megen nin alyen dufay wukkek yen hanyen gobe Al Kurun dilingde kukuwamnen kenen hiyen geb, gogo Al Kurunyen dufay wukkek gama irde hiyen al gobe dufay wukkek fudinde go minyan yen kinyen. Goke tenbe Al Kurunyen asande gahade katin hi:

“Al kura, ‘Nenbe megen nin alyen dufay wukkek goninin yan,’ yen han marbe

Al Kurun belen dufaymin tigiri tikeb yingen go po bulun yirde hi,” yitin. *Yop 5:13*

²⁰Irdeb sopte mere kura katinbe gahade:

“Doyan Al Kurunbe megen nin alyen dufay wukkek yen hanyen gobe gote iginen minmon yen nurde hi,” yitin hi. *Tikin 94:11*

²¹Ningeb denbe al kura turun irde, “Nenbe al goyen gama irde hite,” ma yen hinayin. Det tumnanbe dende geb, gago momon dirde hime. ²²Ne Polya Apolosya Pitayabe tumnan den Yesuyen alya bereyat meten mar. Megen ga manan dende megen. Irde hen henya kamde kamdeya, det han ka han gaya kame hinayin goya kurun gobe tumnan dende. ²³Irde denbe Yesu Kristuyen alya bereya. Irde Yesu Kristube Al Kurunyen.

Yesu Kristuyen mere basan mar

4 ¹Be, gwahade ningeb, denbe nen gayen Yesu Kristuyen meten mar, irde Al Kurun belen dufaymin banare hitin goyen kawan ird ird

meten yuntin mar yen denen hinayin. ²Goyenbe nen Yesuyen meten mar beleh titek mata kurabe Al Kurun beleh meten duntin goyen binininde mat fudinde wor po kenkela meten titek go goyen. ³Goyenpoga meten go ten henyyabe den beleh daw ma al hoyan beleh daw metenneya mataneya goke igin ma bulun ninnayin goke kanduknen ma nurde himyen. Nigen wor metenneya mataneya goyen igin wet ma bulun wet goyen goke ma yen himyen. ⁴Ne benerbe metenya mataya ten hime kurun gobe igin ala po ten hime yen nurde himyen. Gega Al Kurun dilingdebe bulunne kuram mon ma yewen. Al Kurun yen unkenen gore po gab igin ten hime ma bulun ten hime goyen momon niryen. ⁵Ningeb meten marminde metenya mataya goyen igin ma bulun yinen yinen nalube hako hi geb, aran po gwaha ma yinen hinayin. Nalu funande gab Doyan Al Kurun beleh wan gwaha yinyen geb, gayenter den beleh gwaha ma yinen hinayin. Goyenter gab Doyan Al Kurun beleh alyen mataya metenya kidoma bana hike epte ma kenkela yentek yara goyen kawan ird ird hushi ten wayyen. Irdeb al binde dufay kerde hitin goyen wor kawan iryen. Irke gab Al Kurun beleh meten marmen nende gigen meten titin gote murungem yunen turun yiryen.

⁶Be, kadne yago, saba dirhem gayen den beleh nurde kenkela bebak tinan yenbe neya Apolosyat ulderer mere gago ten hime. Gogab den beleh neya Apolosyat mata kenenbe, “Al Kurunyen asande katin go po gama irde hinayin. Mere hoyan gor ma han gobe gama ma irde hinayin,” yen hanjen gote min nurnayin. Gwaha tinayinbe al kura gama ird ird goke yingen turun turun tenbe al hoyanbe bulun mat tagal unen unen mata go ma ten hinayin. ⁷Goyenpoga dindigen ge yen nenbe igin yen nurdeb al hoyanbe bulun yinen yinen tarenbe ganun beleh dunkeb gogo ten han? Det budam den hitte han kurun gobe Al Kurun beleh ma duntin? Goyenbe dani Al Kurun beleh ma duntin yen nurdeb dindiken ge turun turun ten han?

⁸Be, denbe Al Kurunyen saba nin binde kamtingen ten hinhan goyen bikken tumnan nurde pasi hitin yen nurde han. Irde al kura horam yan beleh det kuran ma nurde han yara Holi Spiriten tarenbe bikken titin gogo ep yen nurde han. Irde doyan mar karkuwan hitin yen nurde han, irdeb nen Yesuyen mere basan mar gayenbe denem minmon yen nurd dunen han. Goyenbe den goyen gwahade hetek nalube hako po hi. Yesu Kristu sopte mulgan hen wan wan nalure gab alya bereyamin gobe doyan mar karkuwan henayin. Ningeb fudinde wor po, den goyen doyan mar karkuwan hewon yen nurde hime. Gogab nen wor denya tumnan doyan mar karkuwan hini. ⁹Gega gayenter nen Yesuyen mere basan marbe al kura mata bulun wor po tike al buda kurun dilingde gasa yirke kamtek marte gasunde gor den ge ten Al Kurun beleh dirtin yara nurde hime. Ningeb alya bereya megen han kurun goya Al Kurunyen

miyonja tumŋaŋ neŋ hitte kanduk dahade forok yenayiŋ yeŋ deney haŋ. ¹⁰Gwahade niŋgeb, neŋbe Yesu Kristu niŋ teŋbe kukuwa hite, munay denbe Yesu Kristuya heŋbe dufay wukkek miŋyaŋ haŋ. Irde neŋbe yulkek hite, munay denbe saŋiŋtiŋ yaŋ. Denbe al beleŋ al denem yaŋ yeŋ deney palap dirde haŋ, munay neŋ gabe al siksukŋeŋ yeŋ palap ma dirde haŋ. ¹¹Fudinde, neŋbe metey miŋ urtiriŋde mat waŋ waŋ ga hite gayenterbe biŋge niŋ kamde, fe niŋ kamde, ulniniŋ umja miŋmoŋ, irde al beleŋ buluŋ buluŋ wor po dirke ulniniŋ misiŋ kateŋ hityen. Irde yaniniŋ miŋmoŋ geb, kurar mat kurar kuŋ kuŋ teŋ hityen. ¹²Neŋbe biŋge niŋ nurdeb nindikeŋ metey kuruy teŋ gab yade hityen. Al kura beleŋ karan durkeb neŋbe Al Kuruyen tareŋde guram yirde tareŋ yirde hityen. Al kura beleŋ buluŋ buluŋ dirkeb goke mukku ma teŋ goya goya metey teŋ hityen. ¹³Al kura mere buluŋ mat dirkeb neŋbe igiŋ mat wol heŋ yuneŋ hityen. Miŋde mat waŋ waŋ haŋka hite gayenter neŋbe det buluŋ kura yimiŋtiŋeŋ dirtek yara hite.

¹⁴Gwaha dinmekeb memya henay yeŋ ma asaŋ ga kaŋ duneŋ hime. Gwaha dirtiŋeŋbe deŋ goyen diriŋne yago yara geb, bener mat deŋ ge amaŋeŋ wor po nurdeb gago nurde ga hinayiŋ yeŋ saba dirde hime. ¹⁵Yesu Kristu niŋ saba dird dird marbe budam wor po haŋ. Goyenbe adotiŋ yagobe budam gwahade ma haŋ. Ne wa kuŋ Yesu Kristu niŋ yitiŋ mere goyen momoŋ dirmeke yeŋ ge dufaytiŋ saŋiŋ iramiŋ geb, nebe Yesu Kristuya heŋbe deŋ kuruy gote adotiŋ yara himiriŋ. ¹⁶Niŋgeb nere mata po keŋkela gama irde hinayiŋ yeŋbe gago batbat dirde hime. ¹⁷Goke teŋbe Timoti gogo deŋ hitte teŋ kermeke kuyeŋ. Yeŋbe urne yara, bubulkuŋne wor po yeŋ nurd uneŋ himyen. Yeŋbe biŋde mat fudinde wor po Doyaŋ Al Kuruy niŋ metey teŋ hiyen. Yeŋ beleŋ gab ne gayen Yesu Kristuya heŋ mata dahade teŋ himyen goke momoŋ dirke bitiŋ bak yiyyeŋ. Yeŋbe ne beleŋ Yesuyen alya bereya sios megen hike kwa kuruy goyen saba yirde himyen gwahade goyen po momoŋ diriŋeŋ.

¹⁸Goyenbe deŋ haŋ bana goyen kuratiŋ kurabe, “Polbe sopte ma waŋ dinyeŋ,” yeŋ nurdeb neŋ nurhet nurhet teŋ haŋ. ¹⁹Gega Doyaŋ Al Kuruy beleŋ igiŋ ninkeb heŋ ga heŋ ga ma tiyeŋ, goyare po kuŋ deney. Kuŋ gab parpar teŋ haŋ mar goyen mere dahade teŋ haŋ, irde tareŋ damiŋde mata gogo teŋ haŋ yeŋ keŋkela yeneŋ bebaŋ tiyeŋ. ²⁰Al Kuruy beleŋ alya bereyamiŋ doyaŋ yirde hi gobe merere po moŋ, tareŋmiŋde doyaŋ yirde hi. Niŋgeb kuŋ gab mel go saŋiŋ damiŋde mata gogo teŋ haŋ goyen yeneŋ. ²¹Niŋgeb kuŋ daha dirmeke gab igiŋ yeŋ nurnayiŋ? Bearar hende kwep kwep direŋ ma, bekeŋde igiŋ mat mere direŋbe igiŋ?

Mata buluŋ teŋ haŋ mar hayhay yirde hinayiŋ

5 ¹Be, deŋ haŋ bana goŋ alya bereya kura leplep mata teŋ haŋ gote mere momoŋ nurmiŋ. Al kura naniŋde beremya duwan teŋ har gobe

Al Kuruṅ ma nurd unej haṅ mar wor mata gwahade ma teṅ haṅyen.
²Goyenpoga denḅe mata gwahade forok yeṅ hi goke buluṅeṅ ma nurde tumṅaṅ Al Kuruṅ diliṅde igiṅ po hite yeṅ dindikeṅ ge turuṅ turuṅ teṅ haṅ. Mata buluṅmiṅ goke bitiṅ misiṅ nurde esenḅe mata buluṅ titiṅ al goyen denṅya epte ma awalik hetek yeṅ takira titek yarabe gwaha ma irde haṅ. ³Nebe denṅya gor ma hite gega, dufaynerbe denṅya gor hite. Niṅgeb nigeṅ gor hime yara teṅbe mata go tiyuṅ al gob bikkeṅ mata buluṅ tiyaṅ inmiṅ. ⁴⁻⁵Niṅgeb deṅ beleṅ Doyaṅ Al Kuruṅniniṅ Yesu Kristu niṅ teṅ gabu irdeb al go takira tike Satan yufukde heṅ kanduk yeneṅ hiyeṅ. Dufaynebe deṅ gabu irde hinayiṅde gor denṅya hiyeṅ, irde Doyaṅ Al Kuruṅniniṅ Yesu Kristuyen tareṅ manaṅ deṅ hitte hiyeṅ geb, igiṅ gwaha tinayiṅ. Gogab al go kanduk bana heṅyabe mata buluṅ timiṅ yeṅ bebak teṅbe meḅen niṅ dufay buluṅ go tubul tikeb kame Doyaṅ Al Kuruṅ waṅ waṅ nalureb al go tumulgaṅ tiyyeṅ.

⁶Niṅgeb mata buluṅ gwahade goyen deṅ bana hikeya dindikeṅ ge turuṅ turuṅ ma teṅ hinayiṅ. Denḅe yis diriṅeṅ muṅ kura palawa bana kerkeb gore hilyaṅ kuṅbe palawa ditdi niyyeṅ go goyen ma nurde haṅ? ⁷Nurde haṅ kenem mata buluṅtiṅ gobe yis girmaṅeṅ hitiṅ yara geb, goyen yade siṅa yirnayiṅ. Irkeb denḅe palawa gergeṅ yis gam moṅ yara Al Kuruṅ diliṅde wukkeṅ hinayiṅ. Yesu Kristu beleṅ mata buluṅtiṅ halde duneṅ yeṅ Pasobare niṅ sipsip diriṅeṅ yara^b heṅ kuruse hende kamyiṅ geb, denḅe mata buluṅtiṅ miṅmoṅ mar hitiṅ haṅ. ⁸Niṅgeb neṅbe meḅen heṅyabe dufay buluṅya mata buluṅya yis bikkek yara goyen yubul po teṅ mata wukkeṅya mere fudinḅeya po teṅ hitek. Go teṅ hitek gobe Israel mar beleṅ Pasoba nalure beret yis miṅmoṅ nene haṅyen gwahade goyenbe gogo.

⁹Be, hakot kura ne beleṅ asaṅde al wet kura ma bere wet kura leplep mata teṅ hikeb go mar goyen awalik ma yirde hinayiṅ yeṅ kaṅ dunmiriṅ.^c ¹⁰Go dinmiriṅ gote miṅbe leplep mata teṅ haṅ mar, det ug po yad yad niṅ po dufay heṅ haṅ mar, al hoyaṅ gasa yirniṅ yirniṅ yirde kawe yirde haṅ maryabe det toneṅ al beleṅ yirtiṅ doloṅ yirde haṅ mar goya ma po hinayiṅ yeṅ ma dinmiriṅ. Munaṅ go mar goya ma hitek yeṅbe go yilwa yirdeb kuṅ damde hinayiṅ? Gor kura hitek miṅmoṅ. ¹¹Niṅgeb asaṅ ga kaṅ duneṅ hime gabe deṅ haṅ bana al kura beleṅ, “Nebe Yesu gama irde hime geb, nebe kadtiṅ,” diniṅ hiyeṅ gega, mata buluṅ kura teṅ hikeb yeṅya ma awalik heṅ hinayiṅ yeṅbe gago kaṅ hime. Mata buluṅ gobe gahade: leplep mata, det uguṅ po yad yad niṅ po dufay

^b 5:7 Bikkeṅ Israel mar Isip naṅa tubul teṅ Kenan kuniṅ tiyamiṅyabe Al Kuruṅ beleṅ sipsip al diriṅ diriṅeṅ gasa yirde darim yade yame kantayaṅ sam yirnayiṅ yinyiṅ. Pasoba Sipsip Diriṅeṅbe alyeṅ gasuṅ teṅbe kamyiṅ al Yesu niṅ yitiṅ. ^c 5:9 Pol beleṅ asaṅ budam kayyiṅ goyen Baibelde ma haṅ goyen bana mere tiyyiṅ gokeb gago yeṅ hi.

hej hej mata, ungura doloj yirde yirde mata, mere buluj mat tej tej mata, kukuwa fe nene kukuwa hej hej mata, irde al gasa yirni yirni yirde kawe yird yird mata. Dej hañ bana al kura mata buluj gwahade tej hike yeneñbe awalik ma po irde hinayin. Dula wor yenya ma po tej hinayin.

¹²⁻¹³ Al Yesu ma nurd unej hañ mar gore mata buluj tej hañ goke merem yañ yird yird gobe nere samuj moñ geb, matamin goke ma nurde hime. Mata bulujmin gobe Al Kuruj belen gab merem yañ yiryeñ. Goyenpoga dej hañ bana goyen al kura belen mata buluj tikeb ganuj mar belen gab goke innayin? Dej gog po geb. Goke tenbe, “Dej hañ bana goyen al kura mata buluj tej hike keneñbe al go takira tinayin. Irkeb denya ma hinayin,” yeñ hañ.

Kadom merere gerd gerd ma tej hinayin

6 ¹Be, dindigen bana goñ al kurabe kadomya kanduk minyañ go sope irye yenbe daniñ Al Kurujyen alya bereya hitte ma kuñbe megen niñ marte mere nurd nurd al hitte kuñ hañ? Mata gwahade titek moñ goyen daniñ gwaha tej hañ? Gobe buluj wor po! ²Denbe kame nalu funandebe neñ Al Kurujyen alya bereya belen megen niñ mar merere yerde matamin goke yintek goyen ma nurde hañ geb, gogo mata gwahade tej hañ? Irde dej belen kame megen niñ mar merere yerde matamin goke yintek hañ kenem dej bana kanduk dirneñ muñ kura forok yitiñ goyen dindiken epte ma kanduk go sope yirnayin? ³Denbe nalu funande Al Kurujyen miyoñ mata bulunde kateñ ungura hitiñ goyen wor nenya denya belen merere yerde matamin goke yintek yeñ ma nurde hañ geb, gogo mata gwahade tej hañ? Neñbe kame mata kuruj goyen wor igiñ titek kenem det dirneñ megen henya neñ bana kadniniñya kanduk forok yeñ hañ gobe epte sope yirtek. Goyenbe gwaha ma tej hañ! ⁴Denbe dindiken bana kanduk kura goke kadom mohonde titek goyen forok yekeb kanduk go sope irniñ yenbe daniñ megen niñ mar Yesuyen alya bereya yeneñminbe sios bana denem moñ yeñ yeneñ hañ mar hitte yad kuñ hañ? ⁵Ga dinen hime gabe nurde memya henañ yenbe gago dinen hime. Dej Yesu niñ dufaytiñ tareñ irtiñ mar bana goñbe kanduktiñ sope ird ird al kuram moñ? ⁶Hubu ningeb gogo dindiken uliñ kadom igiñ ma nurd gunen tenbe merere yirniñ yeñ Yesu niñ dufaymin sañiñ ma irde hañ mar diliñde yukuj hañ?

⁷Fudinde, dej hañ bana kadtiñya kanduktiñ minyañ goyen megen niñ marte merere yerteke sope irnayin yeñ al siñare niñ hitte yukuj hañ gobe Al Kuruj diliñde bikkeñ soñ hañ yeñ denen hi. Ningeb gwaha ma tej hinayin. Kadtiñ belen usi dirde buluj buluj dirde hike goñmin goñ gwaha dirde hanañ yeñ hinayin gobe igiñ yeñ nurde hime. ⁸Neb gwaha dinen hime goyenbe fudinde wor pobe al usi yirde buluj buluj yirde hañ marbe al hoyañ moñ dej gogo yeñ nurde hime.

⁹Denjbe mata bulun ten han marbe Al Kurun belen alya bereyamin doyan yirde hi bana gon epte ma hurkunayin goyen ma nurde han? Ningeb al kura belen usi diryenkek geb, kenkela hen ga hinan ko. Mata bulun gobe gahade: leplep mata, ungura dolon yird yird mata. Irde al kura berem yan gega bere hoyanya duwan ten ten mata, al belen belen nin bere yara hen hen mata, irde al dirin yingen po ulin gabu ird ird mata. ¹⁰Irde kurabe kawe mata, det ug po yad yad nin po dufay hen hen mata, kukuwa fe nene kukuwa hen hen mata, al mere bulun mat yird yird mata, irde al gasa yirnin yirnin yirde kawe yird yird mata. Al mata gwahade ten han mar gobe epte ma wor po Al Kurun belen alya bereyamin doyan yirde hi bana gon hurkunayin. ¹¹Bikkenbe den han bana goyen al kurabe mata gwahade ten hinhan. Goyenpoga Doyan Al Kurun Yesu Kristuya Holi Spiritya belen mata buluntin goyen halde dunenbe Al Kurun dilinje wukkek wor po dirde al huwak dirtin han.

Ultin kenkela doyan yirde Al Kurun turun irnayin

¹²Be, den han bana goyen al kura belen, “Nenbe mata kura tinin yenbe igin ala titek,” yen hanjen. Gega mata go tinayin gore huginen igin dirnayin yen ma nurde hinayin. Ningeb nebe mata kura tiye yenbe igin ala tiyen gega, mata gore epte ma nanarde bon yiyyen. ¹³Irde kuratin kurabe, “Bingenbe bininin makin ird ird det, irde binininbe bingen sola urd urd nin po,” yen hanjen. Gega kamebe Al Kurun belen det irawa goyen tumnan mugol kiryen. Goyenbe hankepaya Al Kurun belen alya bereyat ulin yiryn gobe min minyan yiryn. Ulnininbe leplep mata ten ten ge ma yiryn. Gwaha titjenbe Doyan Al Kurun denem turun yan ird ird nin yiryn, irde Doyan Al Kurunbe ulninin guram yirde taren yird yird nin hi. ¹⁴Al Kurun belen Doyan Al Kurun Yesu ulninin gake ten kamyin goyen sopte isan hirin. Ningeb kame nen wor tarenminde kamtinde mat disan hiyyen. ¹⁵Denbe Yesu Kristuyen ulin pigin yara han geb, kuratin kurabe Yesuyen hanin, kurabe kahan hitin han goyen nurtin ala ten han. Gega nen Yesu Kristuyen ulin pigin hitin gayen igin kurhan kura ten belen nin bere sikkenya gabu irtek? Epte mon. ¹⁶Al Kurunyen asanbebe, “Alya bereya wan gabu henbe ulin unkenen hiyyen,” yitin hi. Ningeb al kura belen nin bereya gabu hiriryenbe bere goya ulin unkenen hiyyen go goyen ma nurde han? ¹⁷Goyenbe al kura Doyan Al Kurun nin dufaymin sanin iryen al gobe tonenbe Doyan Al Kurunyen tonenya gabu hen unkenen hiyyen.

¹⁸Ningeb leplep matabe tubul po ten hinayin. Mata bulun hoyanbe al hoyan bulun yirde hanjen. Munan leplep mata ten hinayinbe dindikenje ultin goyen po bulun yirde hinayin. ¹⁹⁻²⁰Irde ultinbe Holi Spirityen ya balem yen nurde hinayin. Holi Spirit Al Kurun belen duntin gobe ultin bana hi. Mata buluntin gote murungem dindiken yawartek goyen Doyan

Al Kurun belen yawaren yenbe darim wok irde kamyin geb ultin gobe dende mon. Ningeb ultin go kekela doyan yirde hikeb gore meten ten hikeb Al Kurunyen denge kurun hen hiyen.

Ire unyat mata kekela gama irde hinayin

7 ¹Be, asan kan gusunan niran goyen wol henbe gaha dinen tihim. Be, al berem mon hinayin gobe igin yen nurde hime. ²Goyenpoga alya bereya budam wor po lelep mata ten hanjen geb, albe berem yan henayin, irde berebe un minyan henayin. ³Albe berem belen yenya hen hen ge nurkeb go po gama irde hiyen. Gwahade goyen po, bere wor un belen yenya hen hen ge nurkeb go po gama irde hiyen. ⁴Gobe beremde ulin gobe yende kudinjen po mon, gobe unde manan geb, gago dinen hime. Unyen ulin wor yende kudinjen po mon. Beremde manan. ⁵Ningeb al belen berem bada ma irde hiyen. Bere wor gwahade po un bada ma irde hiyen. Gega Al Kurun mere ird ird nin ten tumnande dufay unkuren irde mun kura kutja irye yenbe igin gwaha ten hiriryen. Goyenbe go kamereb sopte gabu ten hiriryen. Gwaha ma ten hiriryenbe bereya ma alya ferd ferd dufaymin epte ma fole irtek hekeb Satan belen wan tunan yuryen geb. ⁶Ga dinen hime gabe gwaha po ten hinayin yen nurdeya ma dinen hime. Gwaha ten hinayin gab igin yen nurdeya dinen hime. ⁷Albe ne yara hen berem mon hiwon yen nurde hime. Goyenpoga albe nende gigen Al Kurunyen tareh hoyan hoyan yuntin han. Ningeb al kurabe berem mon gega, goke ma nurde hanjen. Munan al kurabe gote tareh ma ten sanin hoyan titin geb, bere yade ga hanjen.

⁸Be, al kura bere ma yawartin han goya beretapyabe ne hime gahade dulin hinayinbe igin yen nurde hime. ⁹Goyenpoga al nin ma bere nin dufaytin harke epte ma hika titek kenem albe bere yade berebe al yade ten hinayin gobe igin yen nurde hime. Monggo dulin henbe albe bereya, berebe alya ferd ferd nin bitin harke kak belen det kunga titin yara epte ma hika titek hanayin.

¹⁰Be, al berem yan, irde bere un minyanbe mere tareh po dirde hime gayen nurnayin. Mere gabe nere mon, Doyan Al Kurunyen mere. Ningeb bere un minyanbe un yilwa ma iryen. ¹¹Goyenbe bere go un tubul ten kenenbe dulin po hen al hoyan ma tiyyen. Mon kenem un hitte mulgan hen tumnan hiriryen. Irde al wor berem ma takira tiyyen.

¹²Be, den han bana gon ire unya kura un wet ma berem wet goyen Yesu ma nurd untin goke saba diren tihim. Be, berem gore un goya tumnan hiren yen nurde hike kenem un belen takira ma tiyyen. Mere gabe Doyan Al Kurunyen mon, dufayner dinen hime. ¹³Irde den han bana gon nin bere wor unbe Yesu ma nurd untin gore berem goya hiren po yen nuryenbe bere gore un yilwa ma iryen. ¹⁴Gobe al kura Yesu ma nurd unen hi goyen berembe Yesu nurd untin hi goke tenbe kame Yesu

nin dufaymin tarej irkeb Al Kurun belen wukkek iryen geb, gago dinen hime. Bere kura Yesu ma nurd untin hi wor unbe Yesu nurd unen hi goke tenbe Yesu nin dufaymin sanjin irkeb Al Kurun belen wukkek iryen. Gwahade mon manhan ire unya gote dirnen wenbe Al Kurun dilingde wukkek ma hewon. Goyenbe nanin ma milin kura Al Kurun dilingde wukkek hitin geb, dirnen wen wor wukkek hitin han.

¹⁵ Gega Yesu nin ma nurtin kura belen un wet ma berem wet go tubul tiye yeke goya utan ma irnayin. Yesu nin ma nurtin kura belen un wet ma berem wet Yesu nin nurtin go takira tike goke kanduknen ma nuryen. Igin dulin hiyen. Gega Al Kurun belen nen gayen bininin yisikamke igin po hinayin yen hoy diryin geb, bertin wet ma almetin wet Yesu nin ma nurtin goya bur ma yenbe awalikde hiriryen. ¹⁶ Den Yesu nin nurtin bere, den ge ten almetinbe Yesu nin dufaymin tarej irke Al Kurun belen yawaryen daw yen ma nurde han? Irde den Yesu nin nurtin al, den ge ten bertinbe Yesu nin dufaymin tarej irke Al Kurun belen yawaryen daw yen ma nurde han? Ningeb Yesu nin nurtin kura belen un wet ma berem wet goyen Yesu nin ma nurtin goke ten tubul ma tiyyen.

Al Kurun belen gwahade hinayin yen hoy dirtin gwaha mat po hinayin

¹⁷ Goyenpoga den dunken dunken goyen gwahade hinayin yen Al Kurun belen hoy dirtin, irde Doyan Al Kurun belen goke momon dirtin gwaha mat po hinayin. Saba gabe Yesuyen alya bereya tumnan gama irde hinayin yen gago saba dirde hime. ¹⁸ Ningeb al kura Al Kurun belen hoy iryin goyenter bikken guba yitin kenem al go guba yen ulin delnen yan hitin go daha mat bikken guba ma yenya hiyen gwahade hewe yen kurut ma yiyyen. Irde al kura Al Kurun belen hoy iryin goyenter guba ma yitin kenem guba yen yen ge kurut ma yiyyen. ¹⁹ Guba yitin ma, guba ma yitin gobe Al Kurun dilingdebe det kurun mon. Munan Al Kurunyen saba gama ird irdbe det kurun wor po. ²⁰ Ningeb Al Kurun belen hanpaya dahade hikeya hoy dirtin gwahade po hinayin. ²¹ Ningeb den han bana gon al kura al hoyan yufukde hen dulin meten ten hikeya Al Kurun belen hoy diryin kenem daha tiye tiye ma tiyyen, gwahade po hiyen. Gega dufayminde hen hen belnen kura kinyen gobe igin gwaha tiyyen. ²² Al kura al hoyan yufukde hen meten al dulnen hikeya Doyan Al Kurun belen hoy irde tirin al gobe Doyan Al Kurun dilingde meten al dulnen mon yen kinyen. Irde gwahade goyen po, al kura meten al dulnen mon, yingen dufayde kun hikeya Doyan Al Kurun belen hoy irde tirin al gobe meten alne yen kinyen. ²³ Dende mata bulun gote murungem dindiken yawartek goyen Doyan Al Kurun belen yawaren yenbe darim wok irde kamyin geb, megen nin marte mata bulun gama irde go yufukde ma hinayin. ²⁴ Ningeb, kadne yago, sopte dinen hime. Al Kurun belen den dunken dunken dahade hikeya hoy dirtin gobe gwahade po hinayin.

²⁵Be, den han bana gonj al kura berem monya bere un minmonya nin momon diren tihim. Alya bereya gwahade goyen goke Doyan Al Kurun belen mere ma nirtin geb, dufayner momon diren. Nebe Doyan Al Kurun belen buningen nirde hiyen al ningeb, mere diren tihim gabe fudinde yen nurnayin. ²⁶Be, ga hite nalu gayenterbe kanduk kurayen kurayen yenen yenen nalure hite. Ningeb hen hentin dahade hanjen gobe gwahade po hinayin. ²⁷Ningeb al kura berem yan kenem takira tiye tiye ma tiyyen. Munan al kura berem mon kenem bere tewe tewe ma tiyyen. ²⁸Goyenbe bere tiyyen gobe mata bulun mon. Gwahade goyen po, bere fonen kura al kuyen go wor mata bulun mon. Gega al bere tiyyen irde bere un minyan hiyyenbe megen gar nin kanduk kurayen kurayen yenen hinayin. Den goyen kanduk ma yenen hiwon yen nurdeb gago momon dirde hime.

²⁹Kadne yago, ga dinen hime gate minbe gahade: megen gar hen hejnininbe ulyande mon geb, al kura berem yan gobe al berem mon belen Al Kurun nin po nurde hanjen go gwahade goyen ten hiyen. ³⁰Irde al kura kanduk yenen esen hiyen gega, kanduk go sobamde ma hiyen yen nurdeb goke ugu po ma dufay hen hiyen. Munan al kura aman hiyyen gega, aman dufay go huginen gwahade po ma hiyen geb, “Gahade po hen,” yen ma nurde hiyen. Irde al kura det damu tiyyen wor, “Det gabe huginen kerde hen,” yen ma nurde hiyen. ³¹Irde det megen nin han kurun gayen manan gahade po ma hinayin geb, al kura megen nin det yade meten yunen henjabe det go hende po bin hek ma irde hiyen.

³²Ningeb daha tinin tinin ten dufaytin hiburten ma hiwon yen nurde hime. Al kura berem mon gobe dufayminde daha mat meten timeke Doyan Al Kurun amanen nurde hiyen yenbe gwaha mat po meten ten hiyen. ³³Gega al kura berem yanbe daha timeke gab berne amanen nurde hiyen yenbe goke po kurut yen hiyen. Go ten hi gobe megen nin mata nin ug po dufay hen hen mata go goyen. ³⁴Gwaha tikeb Doyan Al Kurun belen amanen nurtek belen nin dufay hen henminbe kenkela kipirtin ma hi. Be, bere kura un minmonya bere fonen yabe Doyan Al Kurun nin po nurde ulinja dufayminya tumnan Doyan Al Kurun po unen hanjen. Munan bere kura un minyanbe daha timeke gab almene amanen nurde hiyen yenbe goke po kurut yen hiyen. Go ten hi gobe megen nin mata nin ug po dufay hen hen mata go goyen. ³⁵Mere ga dirde hime gabe faran durmeke hen hentin igin hewon yen dinen hime. Kanduk dunhem yen ma dinen hime. Mere gahade ga dirmeke gab matatinbe Doyan Al Kurun dilingde huwak wor po hiyyen, irde yen ge ten meten ten ten nin kama ma hen sanin po meten ten hiwon yen nurdeb gago dinen hime.

³⁶Goyenpoga al fonen kura bere tubul ten untek yen merem titin goreb merene gayen nurdeb, “Polyen mere gobe fudinde. Goyenpoga meremin gama irde bere ga tewen monbe dufaymin bulun iren geb tewen,” yen nuryenbe bere go tiyyen.^d

^d 7:36 Grik mere mat min kurabe gahade: Goyenpoga al kura belen wirin al kutek nurke belemmin pet ten hike kun kun alik hewen tike kenenbe bulun irde hime yen nurdeb al kere yen nuryenbe gwaha po iryen. Mata gobe bulun mon.

Mata gobe bulun mon. Irde hiyen kurun gobe bere go tubul titek ma irde hike kenem bere go tiyyen. Mata gobe bulun mon geb, gwaha tiyyen. ³⁷Gega al kura bikken bere tubul ten untek yen merem titin gega, al gore, "Igin nunkuren hen," yen dufay tarej po irdeb, "Bereya hen hen dufay ma forok yen hi, irde dufay gwahade kura forok yeke igin fole irde hen," yen nurdeb bere ma tewen yen dufay kiryen goyen wor mata igin yen nurde hime. ³⁸Ningeb al bere yad yad matabe igin. Gega al kura berem mon hiyyen mata gobe igin wor po, bere yad yad mata gote folek.

³⁹Be, bere kura un minyanbe un go hikeyabe yen yufukde po hiyen. Gega un go kamkeb bere un yanbe al hoyan ma tiyyen yitin mere gote yufuk bana ma hiyen geb, al hoyan tewe yenbe igin tiyyen. Goyenpoga Doyan Al Kurun nurd untin al po ga tiyyen. ⁴⁰Goyenbe dufaynerbe bere go un kamke unkuren hen hen gobe igin wor po. Gogab un nin nurde hiyen gwahade ma ten Doyan Al Kurun nin po nurde hiyen. Mere dirde hime gabe Holu Spirit belej ninej hike dinej hime yen nurde hime.

Det tonej yirde binje galak yirtin binjebe daha yirtek?

8 ¹Be, megen nin mar belej det tonej yirde doloj yirde binje galak yirtin goke momon direj tihim. Denbe dindiken ge yenbe, "Nenbe det kawan ninja banare ninja goyen kenkela bebak ten hite," yen nurde han. Goyenbe gwahade nurde han goke tenbe dindiken ge turun turun tenbe kadtin yago bulun yirde han. Gega kadtin yagon amanen nurd yunen hinayinbe kadam faran gurd tenbe tumnan sanin henayin. ²Al kura yingen ge yenbe, "Nebe det kawan ninja banare ninja goyen kenkela wor po bebak ten hime," yen nurde hi al gobe yingen goyen po usi irde hi. Irdeb Al Kurunen mere fudinde yingen nurde bebak titek goyen bebak ma titin hi. ³Goyenpoga al kura binde mat Al Kurun nin amanen nurde unen hi al gobe Al Kurunen dufay igin kurun goyen untin hi.

⁴Ningeb det tonej doloj yirin yen galak yirtin binje goke momon direj tihim. Be, det tonej megen nin mar belej doloj yirde hanjen gobe Al Kurun mon geb, det fudinde gogo mon. Al Kurunbe yen unkuren po, hoyan kura ma hi. Hubu wor po. ⁵Gega megen nin marbe dufaymin son hekeb ungura kurayen kurayen gobe Al Kurun yen nurdeb, "Al Kurunbe budam han. Doyan Mar wor budam han. Kurabe nan kinde han, kurabe megen han," yen hanjen. ⁶Goyenpoga Al Kurunbe unkuren po, nen nurd unen hite gog po hi. Yenbe Adoninin. Yen belej po gab nan kinja megenya irde det kurun gayen yiriyin. Irde nenbe yen ge ten megen gar hite. Irde Doyan Al Kurun wor unkuren po hi. Yenbe Yesu Kristu. Yesu Kristube Al Kurun belej inke nan kinja megenya det kurun gayen yiriyin. Nen wor yen belej forok diriyin.

⁷Goyenbe mere fudinde gayen al budambe kenkela bebak ma ten han. Ningeb den han bana gon al kurabe hakot Yesu nin ma nurde hinjanya

ungura doloŋ ird ird mata teŋ hinhan geb, gayenter Yesu nurd unenŋ henŋya wor ungura galak yirtinŋ goyen nenebe, “Neŋbe ungura galak yirtinŋ biŋge goyen gago nene hite,” yeŋ nurde biŋde kandukŋenŋ nurde hanŋyen. Mel gobe biŋde wukkek wor po moŋ geb, “Biŋge ga nihit garebe Al Kurunŋ dilingde wukkek ma hihit,” yeŋ nurde hanŋ. ⁸Gega biŋge nen nen mata gore kura neŋ gayen Al Kurunŋya awalik heŋ heŋninin goyen daha kura ma iryen. Niŋgeb ungura galak yirtinŋ biŋge netek ma go ma netek gore kura Al Kurunŋ dilingde daha wet kura ma diryen.

⁹Goyenpoga moŋgo mata kura Al Kurunŋ dilingde bulunŋ moŋ goyen hipirkenŋ nurdeya mata teŋ hinayinŋ gore kadtiŋ kura Al Kurunŋyen mere biŋde tareŋ wor po ma hitinŋ al gote dufayminŋ goyen bulunŋ irke katyenŋkek geb, keŋkela dufay heŋ ga mata teŋ hinayinŋ. ¹⁰Deŋ Al Kurunŋyen mere keŋkela bebak titinŋ marbe iginŋ kunŋ ungura doloŋ ird ird gasunŋde heŋ dula teŋ kunŋ hinayinŋ. Gega deŋ beleŋ gwaha teŋ hike deŋ hanŋ bana goŋ ninŋ kadtiŋ kura biŋ wukkek wor po moŋ gore denenbe, “Neŋ wor iginŋ daw gwaha titek,” usi teŋbe biŋge go nene gab mata bulunŋ tihit yeŋ kandukŋenŋ nurdeb katnayinŋ. ¹¹Irkeb denbe kadtiŋde dufayminŋ tareŋ wor po moŋ goyen bulunŋ ird ird mar henayinŋ. Yeŋ ge teŋ Yesu Kristu kamyinŋ gega, deŋ beleŋ bulunŋ yirnayinŋ. ¹²Deŋ beleŋ gwaha mat kadtiŋ goyen bulunŋ yirde mata bulunŋ teŋ hinayinŋ, irde biŋ wukkek wor po moŋ goyen haga irde hinayinŋ gobe yeŋ hitte po moŋ, Yesu Kristu hitte wor mata bulunŋ teŋ hinayinŋ. ¹³Niŋgeb nebe dapŋa kura nemeke gore kadne dufayminŋ bulunŋ irke mata bulunŋde katyenŋ kenem dapŋa go sopte ma po newenŋ. Gogab kadne go mata bulunŋde ma katyenŋ.

Ne Pol wor Yesuyen mere basanŋ al aposel

9 ¹Be, deŋ beleŋ ne ninŋ yeŋ, “Dufayminŋde epte ma det kura iryen,” yeŋ nurd nunenŋ hanŋ? Irde ne gayen Yesuyen mere basanŋ al aposel moŋ yeŋ hanŋ? Irde Doyanŋ Al Kurunŋnininŋ Yesu Kristube ma kinyinŋ yeŋ nurde hanŋ? Goyenpoga Doyanŋ Al Kurunŋyen sanŋinde metenŋ timirinŋ gote iginenbe deŋ gogo moŋ? Goyenbe daniŋ gwaha yeŋ hanŋ? ²Be, deŋ hanŋ bana goyen al kura beleŋ, “Polbe aposel moŋ,” yeŋ hanŋ. Irde al hoyanŋ beleŋbe, “Polbe neŋ ge ma aposel hiriŋ,” yeŋ hanŋ. Nebe mereminŋ goke ma nurenŋ gega, deŋ ge teŋ aposel himirinŋ geb, denbe epte ma gwaha ninnayinŋ. Al hoyanŋ beleŋ deŋ denenbe, “Fudinde, Polbe Doyanŋ Al Kurunŋ beleŋ aposel iryinŋ,” yeŋ nurd nunenŋ hinayinŋ.

³Be, deŋ hanŋ bana goyen al kura beleŋ gwaha mat tagal nunenŋ hanŋ geb, goyen wol heŋ momoŋ direŋ tihim geb. ⁴Be, neŋ aposel beleŋ metenŋ teŋ hiteke goke Yesuyen alya bereya beleŋ biŋgeya feya dunke netek gobe bulunŋ? ⁵Yesuyen mere basanŋ mar hoyanŋya Doyanŋ Al Kurunŋ Yesu kulinŋ wenŋyabe Pitaya^e wor berem yagoya irde tumŋanŋ metenŋ teŋ kunŋ hanŋyen.

^e 9:5 Denŋem hoyanŋbe Sifas.

Munan neŋbe berniniŋ yago dufaymiŋ Yesu niŋ tareŋ irtiŋ goya meten teŋ kuŋ hitekbe buluŋ yeŋ nurde haŋ? ⁶Irde aposel hoyan po paka yirde haŋyen gega, Banabasya neya niŋ yeŋbe, “Yingen ga tareŋminde biŋge neneb meten teŋ hiriryen,” yeŋ nurde haŋ?

⁷Be, fulenja mar fulenare kuŋ heŋyabe ganuŋ kura yingen de horare biŋge damu teŋ nene haŋyen? Irde al ganuŋ kura wain harke iginen hekeb kura ma nen hiyen? Irde al ganuŋ kura sipsipmiŋ doyan yirde hiyen gega, sipsip gote mamu kura ma gilyan heŋ nene hiyen? Epte ma gwaha tiyyen. ⁸Mere teŋ hime gabe alyen dufayde po ma mere teŋ hime. Moseyen sabare wor mere gwahade po hi. ⁹Be, Moseyen sabarebe, “Al kura wit metenmiŋ sak yeke meten de niŋ dapŋa bulmakawmiŋ gore, ‘Faraŋ nuri,’ yeŋ metenminde tukunya ga, ‘Witne niyyenkek,’ yeŋ mohon mala ma tiyyen,” yitiŋ hi.

Mere gobe Al Kurun beŋ bulmakaw niŋ po nurdeb gogo yiriŋ? ¹⁰Mere gwahade tiyyiŋ gobe fudinde wor po neŋ gake nurdeb mere gogo tiyyiŋ yeŋ ma nurde haŋ? Mere gobe neŋ gake yiriŋ. Megeŋ waru uryen al goya wit sikkeŋ kok yiryen al goya tumŋande meten tiyiryen gote muruŋgem kura muŋ yawaryen yeŋ nurdeya meten tiyiryen geb, Al Kurunyen mere gobe neŋ al gake yiriŋ. ¹¹Niŋgeb neŋ beŋ Holi Spirityen det igiŋ goyen bitiŋ bana tur yirtiriŋ geb, metenminiŋ gote muruŋgem biŋge niŋ gusuŋaŋ dirtek gobe kanduk kurun wor po yeŋ nurnayiŋ? ¹²Al hoyan beŋ deŋ ge teŋ meten dirŋen muŋ po titiŋ goke faraŋ durnaŋ yeŋ igiŋ gusuŋaŋ dirtek kenem neŋ manaŋ deŋ ge teŋ meten kurun wor po titiŋ goyen gote muruŋgem niŋ igiŋ gusuŋaŋ dirtek.

Goyenbe neŋbe faraŋ durnaŋ yeŋ gusuŋaŋ ma dirde hinhet. Gwaha titŋenbe moŋgo faraŋ durd durd gore Yesu Kristu niŋ yitiŋ mere igiŋ go deŋ bana kurun heŋ heŋ beŋ pet tiyyen yeŋ nurdeb det kuraŋ nurde hinhet gega, gusuŋaŋ ma dirde goke ma nurdeya meten teŋ hinhet. ¹³Be, deŋbe Al Kurunyen ya balem bana meten teŋ haŋyen marbe bana goŋ niŋ biŋge yade nene haŋyen, irde Al Kurun galak ird ird altare meten teŋ haŋ marbe alta hende yirtiŋ biŋge goyen kura yade nene haŋyen goyen go ma nurde haŋ? ¹⁴Gwahade goyen po, Doyan Al Kurun niŋ yitiŋ mere igiŋ goke tagalde haŋ marbe mere go nurde gama irde haŋ mar beŋ faraŋ yurke go hende heŋ meten teŋ hinayiŋ yeŋ Doyan Al Kurun beŋ mere saŋiŋ po tiyyiŋ.

¹⁵Nebe Doyan Al Kurun beŋ yiriŋ gwahade po igiŋ faraŋ nurnaŋ dinmewoŋ gega, gwaha ma dinen himyen. Irde mere gahade kaŋ dunen hime gabe deŋ beŋ gwaha mat paka nirde hinayiŋ yeŋ ma kaŋ hime. Nebe deŋ ge teŋ Doyan Al Kurunyen meten teŋ heŋya gote muruŋgem niŋ gusuŋaŋ ma dirde hinhem geb, goke igiŋ nigen ge turuŋ turuŋ titek hime. Niŋgeb faraŋ nurd nurd niŋ al kura ma po gusuŋaŋ ireŋ. Kamde ga daw gwaha tiyen. ¹⁶Be, Yesu niŋ yitiŋ mere igiŋ go tagalde kuŋ

henyabe nigen ge turuŋ turuŋ teŋ hitek himyen dinhem gega, epte ma nigen ge turuŋ turuŋ titek himyen. Mere igiŋ tagal tagal gobe Al Kuruŋ belen nunyiŋ geb bada hetek moŋ. Niŋgeb meten teŋ himyen goke nigen ge epte ma turuŋ turuŋ titek himyen. Munan mere igiŋ go bada hen tagalde ma himyen manhan Al Kuruŋyen bearar bana himewoŋ! ¹⁷Mere igiŋ goyen tagal tagal niŋ wilakneŋ nurde tagalenbe gote muruŋgem tewen. Gega meten teŋ hen gote muruŋgem ma tewen wor Al Kuruŋ belen gwaha teŋ hayiŋ nintiŋ geb, gago meten go teŋ hime. Meten gobe gwaha tiyayiŋ nintiŋ geb, bada hetek moŋ. ¹⁸Be, gwahade kenem meten teŋ hime gote muruŋgembe da tewen? Meten teŋ hime gote muruŋgembe hoyan moŋ. Ne belen meten gote muruŋgem tetek gobe Yesu niŋ yitiŋ mere igiŋ goyen damum moŋ duliŋ po alya bereya hitte tagalde himyen gogo po. Fudinde, nebe mere igiŋ go tagalde hime goke teŋ paka nirnan yinen hitek gega, gwaha ma yinen himyen.

¹⁹Be, nebe dufayner igiŋ nurdeb gwaha teŋ himyen. Megen niŋ al kurate dufayde ma teŋ himyen. Gega daha mat kura al tumnan Yesu hitte yukumewoŋ yen nurdeb nigen al buda kuruŋ gote yufukde hen meten teŋ himyen. ²⁰Gwahade niŋgeb, Yuda marya henbe go mar go Yesu hitte yuken yenbe yende mata gama ird ird al yara hen himyen. Yuda mar gobe Moseyen saba gote yufukde hen go po gama irde hanjen. Munan nigenbe go yufukde ma hime geb, gore epte ma daha wet kura niryen gega, go mar go Yesu hitte yuken yen nurdeb Moseyen saba gote yufukde hime yara teŋ himyen. ²¹Munan Yuda mar moŋ al miŋ hoyan Moseyen saba ma gama irde han mar go wor Yesu Kristu hitte yuken yenbe Moseyen saba ma gama irde hitiŋ al yara hen himyen. Nigenbe Moseyen saba gote yufukde ma hime. Goyenbe Al Kuruŋyen saba pel irde hime yen ma yen hime. Gwahade yarabe Yesu Kristuyen saba gote yufukde po hime. ²²Irde Yesuyen alya bereya kura Al Kuruŋyen mere hende tareŋ wor po ma huwarde hitiŋ mar go Yesu hitte yuken yenbe go mar goyen yara po hen himyen. Niŋgeb al dahade mar hitte kuŋ meten teŋ kuŋ henyabe go mar goyen yara po hen meten teŋ himyen. Gogab daha mat wet kura go mar goyen kura Yesu hitte yukumewoŋ yen gogo gwaha teŋ himyen. ²³Gwaha teŋ himyen kuruŋ gobe Yesu niŋ yitiŋ mere igiŋ goke al momoŋ yire yenbe gwaha teŋ himyen. Gwaha teŋ himeke gab al belen mere igiŋ go nurdeb yen wor nen yara hekeb tumnan Al Kuruŋ belen guram yirtek hewoŋ yenbe gogo gwaha teŋ himyen.

²⁴Be, kup yen yen kari gote matabe nurde han gogo. Al budam miŋ urde kup yenayiŋ gega, al unkuŋ belen po kadam fole yirde kuŋ pasi iryen al gore muŋ po gab gote muruŋgem tiyen. Niŋgeb den wor Doyan Al Kuruŋyen meten teŋ henyabe meten gote muruŋgem goyen tetewoŋ wor po yen nurdeb tareŋ po meten teŋ hinayiŋ. ²⁵Kup yen yen karire kup yen han mar ma, kari hoyande kari teŋ han marbe karire kuŋ gote

murungem tiniŋ wor po yeŋ nurdeb yingen saŋiŋ yird yird niŋ uliŋ kutŋa irde hanŋyen. Mel gobe kari gote murungem ulyaŋde ma hitek goke wor gogo kurut wor po yeŋ haŋ. Goyenpoga neŋ beleŋ tareŋ heŋ heŋ niŋ kurut yeŋ hityen gobe Doyaŋ Al Kurunŋyen metenŋ gote murungem huginenŋ hitek go tiniŋ yeŋbe tareŋ heŋ heŋ niŋ kurut yeŋ hityen.

²⁶Ningeb mel gore kup yeŋ hanŋyen gobe Al Kurunŋ diliŋde miŋ miŋmoŋ gega, ne beleŋ al kup yeŋ haŋ gwahade saŋiŋ po metenŋ teŋ himyen gobe Al Kurunŋ diliŋde miŋ miŋyaŋ. Fuleŋa teŋ teŋ karire kari teŋ hanŋyen marbe asogom keŋkela yenenŋa gasa yirde hanŋyen gwahade goyen po, ne wor metenŋ gote miŋ keŋkela nurdeya metenŋ teŋ himyen, mali ma metenŋ teŋ himyen. ²⁷Gwaha titŋenbe metenŋ goyen keŋkela po timewoŋ yeŋ nurdeb megen niŋ dufay buluŋ kura bener forok yeke gore buluŋ nirnak yeŋbe fole irde himyen. Moŋgo Yesu niŋ al hoyanŋ momoŋ yirdeb gote murungem tetekner, dufay buluŋ gore walde nunnak yeŋbe gogo dufay buluŋ goyen fole irde himyen.

Uŋgura doloŋ ird ird niŋ hayhay yiryiŋ

10 ¹Be, kadne yago, deŋ goyen tareŋ heŋ heŋ ge kurut yeŋ hinayiŋ dinhem goke keŋkela bebak tinaŋ yeŋbe neŋ Yuda marte asininiŋ yago beleŋ mata tiyamiŋ goke momoŋ direŋ tihim. Ningeb mel gore mata tiyamiŋ go nurdeb gote saba bitiŋ sir ma yiyyeŋ. Be, bikkeŋ wor po asininiŋ yagobe Isip naŋa tubul teŋ kuniŋ yeŋ kuŋ heŋyabe tumŋaŋ kigariŋkiŋ faykek yokŋa bana heŋ kuŋ hinhan. Irdeb makaŋ ala kurunŋ goyen kahalte Al Kurunŋ beleŋ pota irke megeŋ fudiŋ forok yekeb goyaŋ mat kuŋ siŋa kurhan forok yamiŋ. ²Mel go tumŋaŋ kigariŋkiŋ faykek yokŋa bana heŋ kuŋ hinhan, irde makaŋ alayaŋ kwamiŋ gobe Al Kurunŋ beleŋ baptaiŋ yiryiŋ yarabe gogo. Be, Al Kurunŋ beleŋ gwaha yirdeb mel goyen Moseyen alya bereya yirkeb doyaŋ yirde hinhin. ³Be, goyenter Al Kurunŋ beleŋ biŋge yuneŋ hinhin gobe megen niŋ biŋge moŋ. ⁴Irde fe niŋ yirke Al Kurunŋ beleŋ hora kurunŋde mat fe forok irde yunke nene hinhan. Hora kurunŋ gobe Al Kurunŋ hitte mat kateŋbe Israel mar goya tumŋaŋ kuŋ hinhin. Hora gobe Yesu Kristu gote tumŋaŋeŋ. ⁵Al Kurunŋbe mel go igiŋ igiŋ gwahade yirde hinhin gega, al budam wor po mata buluŋ teŋ hike igiŋ ma nurde yuneŋ hinhin. Ningeb mata buluŋ teŋ hinhan mar go sawsawa po kurunŋ naŋa bana goŋ kuŋ heŋya kamamiŋ.

⁶Be, mata buluŋmiŋ gote murungem teŋ kamamiŋ gobe neŋ gayen baraŋmiŋ goyen nurdeb kafura heŋ mel gore teŋ hinhan gwahade ma teŋbe dufayniniŋ mata buluŋ teŋ teŋ niŋ ma kuŋ hiyeŋ yeŋ gogo Al Kurunŋ beleŋ dikala diriŋ. ⁷Ningeb deŋbe mel goyen kuramiŋ beleŋ megen niŋ det toneŋ yirde doloŋ yirde hinhan gwaha ma teŋ hinayiŋ. Mel gore mata buluŋ teŋ hinhan goke Al Kurunŋyen asaŋde gahade katiŋ: “Mel gobe det toneŋ diliŋ mar keperde dula teŋ kukuwa fe nen nen

mata tej hinhan. Irde huwardebe Al Kurunj nin ma nurd untin marte mata tej hinhan,” yitin hi. ⁸Be, mel goyen kuraminbe lelep mata tenbe nan kahal un kurende po 23,000 alya bereya goyen kamamin. Ningeb nenbe go mar gore tiyamin gwahade ma tej hitek. ⁹Be, Israel mar goyen kurabe Doyan Al Kurunj tunan urde beararmen bana hen kunere duwi belen yisike kamamin. Ningeb nenbe mel gore tiyamin gwahade Doyan Al Kurunj tunan ma urtek. ¹⁰Irde hen hentin goke Doyan Al Kurunj nin igin ma nurde ngak ma yen hinayin. Hakot Israel mar kura gwaha tikeb Al Kurunjen miyon, al gasa yird yird meten tej hiyen gore gasa yirke kamamin.

¹¹Be, hakot Israel mar hitte mata gwahade forok yitin gobe gayenter nen belen baran go nurdeb bebak tej tej ge gogo forok yitin. Irde baran go asande katin gobe nalu funan belen hite mar gayen baran go kapyan henbe mata bulun ma tej hinayin yen hayhay dird dird nin Al Kurunjen asande katin. ¹²Ningeb den han bana al kura belen, “Nebe tareh hime geb, kanduk kura wayyen goyen epte fole irde hen,” yen hi al gobe kenkela hen ga hiyen. Monjo katyen geb. ¹³Alya bereya mata bulunde yukutek kanduk den hitte forok yen hanjen gobe al hoyan hitte wor forok yen hanjen goyen po forok yen dunen hanjen. Goyenpoga Al Kurunbe yirin gwahade po mata tej hiyen geb, den belen epte ma fole irtek kandukbe epte ma den hitte yubul tike forok yen hinayin. Munan kanduk kura den hitte forok yekeb kanduk go fole yirtek belnen manan kerd dunen. Gogab den goyen kanduk bana gon hinayin gega, kanduk goyen igin fole yirde sanj po huwarde hinayin.

Epte ma tumnan de Al Kurunya unguraya gama yirtek

¹⁴Be, kadne yago, megen nin det yade det toneh yirde dolon ird ir mata gob tubul po tinayin. ¹⁵Den goyen dufayin wukkek yen nurdeb gago mere dirde hime. Ningeb dindiken gabe mere diren tihim gayen igin ma bulun goyen kenen bebak tinayin. ¹⁶Be, nenbe Yesu Kristu belen nen ge tej darim wok irde kamin goke dufay hen hen nin gabu irde wain fimin tenbe Al Kurun igin nurde unenbe nene hityen. Gwaha tej hite gobe Yesu Kristu kamkeya darim wok yitin goyen nen tumnan gale hen nene hite yara geb, gore dawan gabu dirkeb al min un kuren hen hityen gogo. Irde nen ge tej Yesu Kristu kamin goke dufay hen beret ubala tej gale hen nene hityen gobe Yesu Kristu kamkeya gason erek yitin goyen nen tumnan gale hen nene hite yara geb, gore dawan gabu dirkeb al min un kuren hen hityen gogo. ¹⁷Ningeb nenbe al min hoyan hoyan gega, beretbe hoyan hoyan mon, un kuren po nene hityen geb, Yesuya awalik henbe al min un kuren po hitin hite.

¹⁸Be, Israel mar bikken mata tej hinhan goyen goke nurnayin. Dapna gasa yirde Al Kurun nin galak irtin goyen nene hinhan marbe Al

Kurunya gabu irde un̄kuren̄ hitiñ hinhan. ¹⁹Ningeb binḡe det tonen̄ yirtiñ goyen galak yirtiñ gobe det kurun̄ geb gogo dinen̄ hi yen̄ nurde han̄? Irde al belen̄ det tonen̄ yirtiñ goyen doloñ yirde han̄yen gobe det kurun̄ wor pobe gogo yen̄ nurde han̄? ²⁰Mon̄! Al Kurun̄ niñ ma nurde han̄ mar belen̄ megen niñ det tonen̄ yirde galak yirde han̄yen binḡe gobe un̄gura galak yirde han̄yen, Al Kurun̄ ma galak irde han̄yen. Ningeb den̄be un̄guraya awalikde ma hiwon̄ yen̄ nurde hime. ²¹Den̄be Doyan̄ Al Kurun̄ kamyiñ goke dufay hen̄ hen̄ ge wain fimiñ nene han̄yen. Ningeb den̄ go mar gore po un̄gura niñ nurde doloñ yird yird gasun̄de kun̄ gor niñ wain ma nenayin̄. Den̄be Doyan̄ Al Kurun̄ kamyiñ goke dufay hen̄ hen̄ ge binḡe nene han̄yen. Ningeb den̄ go mar gore po kun̄ un̄gura doloñ yird yird gasun̄de niñ binḡe goyen ma nenayin̄. ²²Nen̄be Doyan̄ Al Kurun̄ belen̄ biñ ar wor po yiwi yen̄ kun̄ un̄gura galak yirtiñ binḡe netek? Nende taren̄be Doyan̄ Al Kurun̄yen taren̄ folek geb, epte ma bulun̄ diryen̄ yen̄ nurde gwaha ten̄ hitek? Epte mon̄.

Al Kurun̄ turun̄ irde hitek

²³Be, den̄ han̄ bana al kura belen̄, “Nen̄be mata kura tiniñ yen̄be igiñ ala titek,” yen̄ han̄yen. Gega mata go tinayin̄ gore hugiñen̄ igiñ dirnayin̄ yen̄ ma nurde hinayin̄. Ningeb nebe mata kura tiye yen̄be igiñ ala tiyen̄ gega, mata gore epte ma nanarde bon̄ yiyyen̄. ²⁴Gwahade ningeb det kura dindiken̄ igiñ dird dird goke ma nan̄kenen̄ hinayin̄. Gwaha titnen̄be det kura kadtiñ igiñ yirtek goke nan̄kenen̄ hinayin̄.

²⁵Ningeb maketde kun̄ igiñ dap̄a damu ten̄ nene hinayin̄. Goyenbe mata bulun̄ tihit yen̄ nurtek dufay ma forok yen̄ yen̄ ge ten̄be, “Binḡe gabe un̄gura galak yirtiñ we?” yen̄ gusun̄an̄ ma yirde mali po damu ten̄ nene hinayin̄. ²⁶Megen̄ya det kurun̄ megen han̄ tum̄an̄ goyenbe Doyan̄ Al Kurun̄yen ala po geb, gogo igiñ ala nene hinayin̄. ²⁷Ningeb al kura Yesu niñ ma nurtiñ gore dula ten̄ ten̄ niñ hoy dirke kuniñ yen̄ nurdeb kun̄ yen̄ya binḡe nenayin̄. Gega mata bulun̄ tihit yen̄ bitiñde kanduk̄nen̄ nurtek dufay ma forok yen̄ yen̄ ge ten̄be, “Binḡe gabe un̄gura galak yirtiñ?” yen̄ gusun̄an̄ ma yirnayin̄. ²⁸Munan̄ al kura belen̄, “Binḡe gabe un̄gura galak irtiñ,” dinkeb ma nenayin̄. Gogab al kura gwaha dinyen̄ al gote dufay bulun̄ ma irnayin̄, irde mata bulun̄ tihit dufay wor forok ma yiyyen̄. ²⁹Mata bulun̄ tihit dufay biñde mat forok yen̄ yen̄ ge yen̄ hime gobe dende niñ ma yen̄ hime, al hoyan̄de niñ goke yen̄ hime.

Be, goyenbe al kurabe gaha yen̄ han̄yen: “Nen̄be bininiñde mat wukken̄ wor po nurdeya mata kura igiñ ala titek. Gega daniñ al hoyan̄ belen̄ den̄en̄be mata bulun̄ tahan̄ yen̄ dennak yen̄ kama hen̄be gwaha ma tiniñ? ³⁰Nen̄be binḡe kura goke Al Kurun̄ igiñ nurde unen̄ gab nene hitek gega, daniñ al hoyan̄ belen̄ binḡe netek goke ulniniñde merem yan̄ dirnayin̄? Goke igiñ ma nurde hite,” yen̄ han̄yen.

³¹Ningeb mere gwahade gokeb gaha dinen: binje ma fe yara kura ninin yenbe Al Kurun denem turun yan hiyyen mat nene hinayin. Ningeb mata kura tinin yen nurde hinayin goyenter wor Al Kurun denem turun yan hiyyen mat po mata ten hinayin. ³²Mata ten hike Yuda mar al kura ma Grik mar al kura ma Yesuyen alya bereya bana go nin al kura bele denenbe dufaymin bulun heke mata bulun tinak geb, matabe nurdeya ga ten hinayin. ³³Ne wor meter ten kun himyen kurun gobe al tumnan matane kenen amanen nurnayin mat mata ten himyen. Gwaha ten himyen gobe nigen igin hen hen nin ma gwaha ten himyen. Al hoyan budam igin hen hen nin gwaha ten himyen. Gogab yen goyen Al Kurun bele yumlgan tiyyen yenbe gwaha ten himyen.

11 ¹Ningeb ne bele Yesu Kristuyen mata po gama irde himyen gwahade goyen po, den wor ne mata ten himyen gayen gama irde hinayin.

Bere tonan aw yurd yurd mata

²Be, denbe hanjen kurun goyen huginen ne nin bitin sir ma yen hi. Irde nen Yesuyen alya bereya bele ten hityen mata goyen momon dirmirin goyen gama po irde han. Ningeb goke turun dirde hime.

³Goyenbe saba kura den bele kenkela nurwon yen nurde hime. Saba gobe gahade: al tumnan gote doyan albe Yesu Kristu, irde berer doyan marbe un yago. Yesu Kristuyen doyan albe Al Kurun. ⁴Ningeb den han bana goyen al kura bele Yesuyen alya bereya gabu irde hinayinde gor hen bere bele ten hanjen yara amil ten tonan aw urde Al Kurun mere iryen irde kurabe Al Kurunyen mere basan al porofet yara mere tiyyenbe al goreb Doyan Almin Yesu Kristu denem bulun iryen. ⁵Irde den han bana goyen bere kura bele Yesuyen alya bereya gabu irde hinayinde gor al bele mata ten hanjen yara amil ten tonan aw ma urde Al Kurun mere iryen irde kurabe porofet yara mere tiyyenbe bere goreb doyan almin un goyen denem bulun iryen. Bere go tonan aw ma uryen gobe tonan walde kara tiyyen go gwahade yara geb, memyak wor po. ⁶Ningeb bere kura Al Kurun dolo irnin yen gabu irnayinde tonan aw ma urde kuyen gobe bere gote tonan yuwalnen walde kara tiyyen. Munan tonan gwaha iryen gobe memyak yen nurdeb bere gobe tonan aw urde kuyen. ⁷Goyenbe albe Al Kurun bele yingen yara iryin, irde sanjimin turun yan goyen al hitte mat kawan hen hi, irde bere hitte matbe alyen tarejmin turun yan goyen kawan hen hi geb albe tonan ma aw uryen. ⁸Fuinde, hanpaya wor po albe bere hitte mat ma forok yirin, berebe al hitte mat forok yirin. ⁹Albe Al Kurun bele bere nin ten ma iryin. Al nin ten bere gogo iryin. ¹⁰Ningeb berebe amil bele tonan aw urtinde hiyen. Gwaha ten hiyenbe bere go al kurat yufukde hi yen kennayin. Al Kurunyen miyon wor gwahade kennayin. ¹¹Goyenpoga mere dirhem gabe berebe det

dirŋeŋ, munəŋ albe det kurun yeŋ ma dinhem. Neŋ Doyaŋ Al Kurun nurd untin mar bana alya bereyabe tuŋande po. Niŋgebe berebe al ma hike yeŋ unŋkuren po epte ma hiyen, al wor bere ma hike yeŋ unŋkuren po epte ma hiyen. ¹²Berebe al hitte mat forok iryin gwahade goyen po, al wor bere hitte mat forok yeŋ hanŋyen. Gega alya bereya tumŋaŋ gobe Al Kurun belen po yiryin.

¹³Niŋgebe Al Kurun doloŋ irnin yeŋ gabu irde hinayinde gor bere kura tonan aw ma urdeya Al Kurun mere iryen gobe igin ma bulun goyen dindiken gab keŋkela dufay heŋbe yenayin. ¹⁴Det Al Kurun belen yiryin kurun gayen gate matare wor al kura tonan yuwalheŋ sobam heŋ bereyen tonan yara hiyyenbe gobe igin moŋ, memyak yeŋ nurde hite. ¹⁵Gega bere tonan yuwalheŋ sobam hiyyenbe igin hoyan yeŋ nurde hite. Tonan yuwalheŋ sobam gobe bere gote tonan aw yurd yurd nin Al Kurun belen iryin. ¹⁶Al ma bere kura mere tihim gake igin ma nurdeb neya kadom mohonde titek wet yeŋ nurnayin. Goyenpoga neŋ banabe mata gwahade gobe hubu wor po. Yesuyen alya bereya Al Kurunyen dirŋeŋ weŋbe mata gwahade goyen ma teŋ hanŋyen.

**Yesu kamyin goke dufay heŋ heŋ nin dula
teŋ teŋ mata keŋkela teŋ hinayin**

¹⁷Be, deŋbe Yesu kamyin goke dufay heŋ heŋ nin gabu irde dula teŋ hanŋyende gorbe dindiken bulun hetek mata teŋ hanŋyen. Munan igin heŋ heŋ matabe kura ma teŋ hanŋyen, hubu wor po. Niŋgebe goke turun ma dirde hime, irde gago saba direŋ tihim. ¹⁸Mehende mere direŋ tihimbe gahade: deŋbe Yesuyen alya bereya gega, gabu irde hanŋyen bana goŋbe mata kura kukuwam mat tike gore bipti forok irde hi yeke nurde himyen. Mere gobe tumŋaŋ usi yeŋ ma nurde hime. ¹⁹Fudinde, ganuŋbe Al Kurun dilinde huwak hi, irde ganuŋbe gwahade moŋ goyen kawan heŋ heŋ ge teŋ deŋ haŋ bana goŋ dufaytin muŋ kura hoyan hoyan hinayin goyen epte ma teŋ sina irtek yeŋ nurde hime. ²⁰⁻²¹Goyenpoga deŋ bana goŋ bipti forok yitin goke dinen hime gabe deŋ gabu irde Doyaŋ Al Kurun kamyin goke dufay heŋ heŋ ge biŋge nene haŋ goyenter kadtin ge ma doyaŋ heŋbe dindiken ge po nurde dula teŋ haŋ geb, gago dinen hime. Gwaha teŋ hikeb kurabe biŋge kamde hikeb kurabe wain kurun nene kukuwa heŋ haŋ. Niŋgebe deŋbe, “Doyaŋ Al Kurun kamyin goke dufay heŋ heŋ ge biŋge nene hite,” yeŋ nurdeya biŋge nene haŋ gega, gwahade moŋ yeŋ nurd dunen hime. ²²Goyenbe deŋ goyen biŋgeya feya nen nen yatit miŋmoŋ geb, gogo gabure gor po waŋ gab gwaha teŋ hanŋyen? Gwahade moŋ kenem Al Kurunyen dirŋeŋ weŋ Yesuyen alya bereyabe det dirŋeŋ yeŋ nurde mali mali yirde haŋ? Irde bana goŋ nin alya bereya kura horam moŋ mar goyen gwaha yirteke yingen buninen yirde memya henaŋ mat mata teŋ haŋ? Niŋgebe matatin goke daha dinen? Matatin goke turun direŋ? Epte moŋ!

²³Be, hakot dula mata goke Doyan Al Kurun belen ninke ne wor momon dirmirin. Mere gobe gahade: Doyan Al Kurun Yesu goyen Yudas belen asogom haniŋde keren tiyyin wawun goya goyenbe Yesu belen beret kura tirin. ²⁴Irdeb beret goke Al Kurun turun irde ubala tenbe, “Beret dunhem gahade gayen po, nebe den ge ten kameŋ. Niŋgeb goke tenbe beret gabe gasonne geb, beret ga ten nenaŋ. Irde kame den wor ne nin bitin bak yen yen ge ten mata gahade ga po ten hinayin,” yirin. ²⁵Irde beret go neneb wain fimin tenbe beret ten yirin gwahade po, “Al Kurun belen mata bulunŋin halde halde nin ten bina gergen tiyyin goke darine wok yiyyen. Niŋgeb goyen goke wain gago dunhem geb, ten nenaŋ. Irde kame den wor ne nin bitin bak yen yen ge ten mata gahade ga po ten hinayin,” yirin. ²⁶Niŋgeb gabu irde dula gwahade ten wain nen nen mata tinin yenbe gwaha mat Doyan Al Kurun belen alya bereyat mata bulunmin ge ten kamyin goke al hoyan momon yirde hinayin. Gwaha tike kun kunbe kame Doyan Al Kurun wayyen.

²⁷Niŋgeb al kura Doyan Al Kurunyen bingeya wainya nene henya Doyan Al Kurunyen alya bereya belen dufay hen mata ten hanjen mat ma nurdeya niyyen al gobe Yesu belen ulin misiŋ katen darim wok irde kamyin goyen kari kari iryen geb, Al Kurun belen goke mata bulun minyan yen kinyen. ²⁸Niŋgeb al kura Doyan Al Kurunyen bingeya wainya newen yen nuryen al gobe yingenŋde mataya dufayya kenkela yenen gab niyyen. ²⁹Munan al kura gwaha ma ten bingeya wainya gobe Doyan Al Kurun kamyin gote tunanen yen ma nurde ga mali niyyen al gobe gote murungem bulun wor po tiyyen. ³⁰Gwahade geb, den han bana gonbe al kura marbe yulkek han, kurabe garbam minyan, irde kuratinbe kaman gogo. ³¹Gega nenbe dahade hite yen nindiken kenkela dufay hen mataninin sope irde hitekbe mata bulun gote murungem bulun ma tetek. ³²Gega kurarebe Doyan Al Kurun belen mataninin goke kanduk dunen hiyen. Gwaha ten hiyen gobe megen henya mataninin huwak hen hikeb kame nalu funanŋde mata bulun marya tumnan huginen Al Kurunyen bearar bana hinak yenbe gogo gayenter kanduk dunen hiyen.

³³Niŋgeb, kadne yago, Doyan Al Kurun nin dufay hen hen ge gabu irde dula tinin yenbe kadom doyan gird ten hinayin. ³⁴Al kura bingeb irkeb yaminde dula ten gabe Doyan Al Kurun nin dufay hen hen dula gabure wayyen. Gogab den gabu irde hinayin bana gon mata bulun Al Kurun belen goke murungem bulun duntek goyen ma forok yiyyen. Be, Doyan Al Kurun nin dufay hen hen ge dula ten ten mata nin dinhem. Mata goke mere ma dirhem kura han gobe kame den hitte kun gab momon diren.

Holi Spirityen sanjinde mata forok yen yen

12 ¹Be, kadne yago, Holi Spirityen tarende mata forok yen yen goke momon diren tihim. Holi Spirityen tarende mata forok yen yen

goke bebak ma titinde po hinak yen igin ma nurde hime geb, kenkela bebak tinayin. ²Be, denbe hakot Yesu ma nurde unen hinhanyabe megen nin det tonen al belej po yirtin binfut minmon gote yufukde hen huginen doloj yirde hinhan gobe nurde han gogo. ³Ningeb ga kenkela nurnan ko. Al kura Holi Spirit minyan belej epte ma, “Yesube Al Kurun belej karan urwon,” yiyyen. Irde al kura Holi Spirit minmonbe epte ma, “Yesube Doyan Al Kurun,” yiyyen. Holi Spirit minyan al belej po gab epte gwaha yiyyen.

⁴Be, Holi Spirityen sanjinde mata forok yen yen gobe budam kurayen kurayen han gega, mata gote min albe Holi Spirit, yen unkurun po. ⁵Doyan Al Kurunyen metenbe budam han gega, meten gote min albe Doyan Al Kurun, yen unkurun po. ⁶Irde meten ten ten taren wor kurayen kurayen han gega, meten titek taren gote min albe Al Kurun, yen unkurun po. Yen belej po gab nen tumnan metenmin kurun goyen igin ten hitek sanj goyen dunen hiyen.

⁷Be, nen dunken dunken hitte Al Kurun belej Holi Spirityen taren kawan forok irde hi gobe nen tumnan taren dird dird nin gogo forok irde hiyen. ⁸Al kurabe Al Kurun belej Holi Spirit hitte mat dufay wukkek yunen hiyen. Munan al hoyan kurabe Holi Spirit unkurun goyen hitte mat po Al Kurunyen dufay banare nin goyen yunen hiyen. ⁹Irde al kurabe Holi Spirit unkurun goyen hitte mat po Yesu nin hekken wor po nurtek sanj go yunen hiyen. Irde al hoyan kurabe Holi Spirit goyen hitte mat po al garbam minyan sope yird yird taren yunen hiyen. ¹⁰Irde al kurabe mata tinen tonnen yan wor po forok yird yird taren yunen, al hoyan kurabe Doyan Al Kurunyen mere basan hen hen mar yirde hiyen. Munan al kurabe mataya mereya kura kenenbe gobe Holi Spirit hitte mat watin ma ungura hitte mat watin goyen bebak ten ten sanj yunen hiyen, irde al hoyan kurabe nana hoyande nin mere kurayen kurayen yingenbe go ma nurtin mere ten ten taren yunen hiyen. Munan kurabe mere hoyan mat yekeb mere gote min tagal tagal taren yunen hiyen. ¹¹Mata gwahade forok yen hanjen kurun gobe Holi Spirit, yen unkurun gote meten. Holi Spirit hoyan gam mon. Yen belej sanjmin kurayen kurayen goyen dufaymin po gama irde nen gayen nende gigen forok yird dunen hiyen.

Nenbe hoyan hoyan gega, Holi Spiritbe unkurun

¹²Be, al ulin piginbe unkurun gega, hani, kahan, kirmin, murun gwahadem yan han. Irde hani, kahan, kirmin, murun gwahade han gore gab al ulin pigin unkurun forok irde hi. Ningeb Yesu Kristu wor gwahade yara geb, nenbe yende kahan, hani, kirmin, murun gwahade hite. ¹³Nenbe al min hoyan hoyan. Kurabe Yuda mar, kurabe Grik mar. Irde kurabe al yufukde hen murungem mon meten ten han mar, kurabe dufayminde kun han mar. Goyenbe nen tumnan Holi Spiritde baptais

dirke Yesu Kristuyen uliŋ pigin yara hitiŋ. Irde Holi Spirit, yeŋ uŋkuren gore po neŋ duŋkuren duŋkuren bana hi. Holi Spirit hoyan gam moŋ.

¹⁴Al uliŋ piginbe det uŋkuren beŋ po ma irtiŋ hi. Kahan, haniŋ, kirmin, muruŋ gwahade gore irke gab al uliŋ pigin uŋkuren hitiŋ.

¹⁵Goyenbe al kurat kahan beŋ, “Nebe al gate haniŋ moŋ geb, al gate uliŋ moŋ,” yiyyenbe kahan gob al gote uliŋ piginde ma hiyen? Moŋ, epte moŋ. Yenbe al gote kahan geb, ulinde po hiyen. ¹⁶Gwahade goyen po al kurat kirmin beŋ, “Nebe al gate diliŋ moŋ geb, al gate uliŋ moŋ,” yiyyenbe kirmin gobe al gote uliŋ piginde ma hiyen? Moŋ, epte moŋ. Yenbe al gote kirmin geb, ulinde po hiyen. ¹⁷Ningeb ulniniŋ gayen dilniniŋ ala po manhan daha mat mere nurde hitewoŋ? Irde ulniniŋbe kirmininiŋ ala po manhan daha mat det hamiŋ nurde hitewoŋ? Gobe kukuwamneŋ wor po. ¹⁸Goyenbe Al Kurun beŋ dufaymin gama irde al ire yenbe kahan ya haniŋ ya yirde kirminiŋ diliŋ ya manan yirde al uŋkuren iryiŋ. Ningeb neŋ wor gwahade po diriŋ. ¹⁹Gega det uŋkuren beŋ po al irtiŋ manhan uliŋ piginbe dahade hiwoŋ? ²⁰Gega gwahade moŋ. Ulniniŋde det hoyan hoyan yirde ulniniŋ pigin uŋkuren po irtiŋ.

²¹Ningeb al kurate diliŋ beŋ al gote haniŋ keneŋbe epte ma, “Nebe geya hitek ma nirde hi,” inyeŋ. Tonaŋ beŋ kahan keneŋbe epte ma, “Nebe geya hitek ma nirde hi,” inyeŋ. ²²Gwahade yarabe ulniniŋde det kura yeneŋminbe meten minmoŋ yeŋ nurde hitek goyenbe go ma hinayiŋbe ulniniŋbe keŋkela ma meten teŋ hiyyen. ²³Ningeb ulniniŋde det kura yeneŋminbe meten minmoŋ yeŋ nurde hityen goyen det kurun yeŋ keŋkela doyaŋ yirde hityen. Irde ulniniŋde det kura yeneŋminbe igiŋ moŋ gega, keŋkela po umŋa yirde doyaŋ yirde hityen. ²⁴Goyenbe ulniniŋde det kura yeneŋmin igiŋ gobe umŋa ma yirtek wor igiŋ. Ningeb Al Kurunbe ulniniŋde det kura min minmoŋ yirtiŋ yeneŋ hanŋen goyen meten kura yune yenbe go wor yade ulniniŋde niŋ det hoyan ya gabu irde uliŋ pigin uŋkuren iryiŋ. Al Kurunbe gwaha mat ulniniŋde det kura min minmoŋ yeŋ yeneŋ hanŋen goyen turuŋ yirde hiyen. ²⁵Gogab ulniniŋde det kurate dufayya det hoyan kurate dufayya hoyan hoyan heke kahalte bipti ma forok yiyyen. Irde ulniniŋde det gore kadom ge nurdkakala teŋ hinayiŋ. ²⁶Ningeb ulniniŋ kurhan kura misiŋ katiŋ gobe ulniniŋ pigin kurun go tumŋan misiŋ nuryen. Gwahade goyen po, ulniniŋ kurhan kura deŋem turuŋ yaŋ heŋ aman hekeb ulniniŋ pigin kurun go manan tumŋan aman hiyyen.

²⁷Be, gwahade goyen po, deŋbe Yesu Kristuyen uliŋ pigin yara. Deŋ duŋkuren duŋkurenbe Yesuyen kahan, haniŋ, diliŋ, kirmin gwahade yara. ²⁸Ningeb deŋ Yesuyen alya bereya sios han bana goŋ meheŋdebe Al Kurun beŋ Yesuyen mere basaŋ mar aposel basaŋ yirtiŋ han. Irde go yufukdebe Al Kurunŋen mere basaŋ mar porofet basaŋ yirdeb Al Kurunŋen mere saba mar basaŋ yirtiŋ han. Irde gab mata tiŋen turuŋ

yaŋ forok yird yird mar basaŋa yirdeb al garbam miŋyaŋ sope yird yird mar wor basaŋa yirdeb al faraŋ yurd yurd mar basaŋa yirtiŋ haŋ. Irdeb Yesuyen alya bereya doyaŋ yird yird mar basaŋa yirdeb naŋa hoyande niŋ mere kurayen kurayen go ma nurtiŋ goyen mere teŋ haŋ mar basaŋa yirtiŋ haŋ. ²⁹Niŋgeb deŋ tumŋaŋbe aposel henayiŋ? Ma, tumŋaŋ porofet henayiŋ? Irde deŋ tumŋaŋ Al Kurunyen mere saba mar henayiŋ? Ma, tumŋaŋ mata tiŋeŋ turnuŋ yaŋ forok yird yird mar henayiŋ? ³⁰Deŋ tumŋaŋ al garbam sope yird yird mar henayiŋ? Ma, tumŋaŋ naŋa hoyande niŋ mere go ma nurtiŋ goyen teŋ teŋ mar henayiŋ? Irde deŋ tumŋaŋ mere goyen tigiŋ teŋ al bebak yird yird mar henayiŋ? Epte moŋ geb. ³¹Goyenbe Holi Spirityen tareŋ kura igiŋ wor po goyen goke momoŋ direŋ tihim geb, deŋ tumŋaŋ mata go teŋ teŋ niŋ kurut wor po yeŋ hinayiŋ. Mata gobe Holi Spirityen tarende mata forok yeŋ hanŋyen hoyan kurun gote folek wor po.

Al hoyan niŋ amaŋeŋ nurd yuneŋ yuneŋ mata

13 ¹Be, ne gayen naŋa hoyande niŋ marte mere kurayen kurayen goyen igiŋ gwaha mat mere tiyeŋ, irde Al Kurunyen miyoŋyen mere mat manaŋ mere tiyeŋ gega, Al Kurunya al hoyanya niŋ amaŋeŋ nurd nurd matanem moŋ kenem nebe heyonoŋya tikiŋde niŋ det ain parwek beleŋ irtiŋ goyen mali po gasa yirke migiriŋ teŋ hanŋyen go gwahade goyen heweŋ. ²Irde Al Kurunyen mere basaŋ heŋ mere teŋ teŋ saŋiŋne yaŋ heweŋ, irde Al Kurunyen mere banare hitiŋ tumŋaŋ nurde dufaymiŋ tumŋaŋ bebak teŋ tagaleŋ, irde Al Kurun niŋ hekkeŋ wor po nurdeb dugu kura gasuŋ hoyande kwa inmeke kuyeŋ gega, Al Kurunya al hoyanya niŋ amaŋeŋ ma nureŋ kenem mata gobe duldul teŋ heŋ. ³Irde detne tumŋaŋ al det niŋ amu heŋ haŋ mar goyen yuneŋ, irde Doyaŋ Al Kurun gama ird ird niŋ teŋ al beleŋ kakde kuma nirke kameŋ gega, kadne niŋ amaŋeŋ nurd nurd matanem moŋ kenem mata gwaha teŋ heŋ kurun gote muruŋgem kura ma teweŋ.

⁴Be, al kura biŋde mat wor po kadomya Al Kurunya niŋ amaŋeŋ nurd uneŋ uneŋ matabe gahade: al gobe kadom kura matamiŋ igiŋ hewoŋ yeŋ doyaŋ heŋ heŋ ge piŋeŋ ma heŋ hiyeŋ. Kurabe kadom igiŋ igiŋ yirde hiyeŋ. Irde kadom kura igiŋ mat hike keneŋbe daniŋ ne wor gwahade moŋ yeŋ ma nurde hiyeŋ. Irde ne harhem harhem mata ma teŋbe yiŋgeŋ ge turuŋ turuŋ ma teŋ hiyeŋ. ⁵Irde kadom hitte palap miŋmoŋ mata ma teŋ hiyeŋ. Irde yiŋgeŋ po igiŋ heŋ heŋ belŋeŋ niŋ ma naŋkeneŋ hiyeŋ, irde araŋeŋ bearar ma teŋ hiyeŋ. Irde kadom beleŋ buluŋ irtiŋ goyen goke dufay ug po ma heŋ hiyeŋ. ⁶Al gobe mata buluŋ niŋ amaŋeŋ ma nurde hiyeŋ, irde mere fudinde goke po amaŋeŋ nurde hiyeŋ. ⁷Al gobe kanduk yeneŋ hiyeŋ goke mukku ma teŋ hugiŋeŋ tareŋ po heŋ hiyeŋ. Irde Al Kurun niŋ hugiŋeŋ hekkeŋ nurde hiyeŋ, irde Al Kurun beleŋ igiŋ

niryeŋ yeŋ goke hugiŋeŋ doyaŋ heŋ hiyeŋ, irde kanduk yeneŋ hiyeŋ gega tareŋ po heŋ fole yirde hiyeŋ.

⁸Kadomya Al Kurunya niŋ amaneŋ nurd yuneŋ yuneŋ mata gobe hubu ma hiyyeŋ. Goyenpoga porofet metenbe hubu hiyyeŋ. Irde naja hoyande niŋ mere mat mere teŋ teŋ mata goyen wor kamyen. Al Kurunyen dufay bebak teŋ tagal tagal meten wor hubu hiyyeŋ. ⁹Gobe gayenter Al Kurunyen dufay tumŋaŋ bebak titek epte moŋ, irde meremiŋ manaŋ tumŋaŋ bebak teŋ basaŋ heŋ tagaltek epte moŋ gega, ¹⁰kame nalu funandebe neŋ tumŋaŋ Al Kurunyen dufayya mereya keŋkela wor po bebak titek geb, go mata gobe tumŋaŋ hubu henayiŋ dineŋ hime gago. ¹¹Mata gwahade forok yiyyeŋ gobe bikkeŋ diriŋ hinhemya diriŋde mere teŋ dufaynebe diriŋde dufay po heŋ hinhem gega kuŋ kuŋ salanneŋ heŋbe diriŋde mataya dufayya gobe yubul po timiriŋ go gwahade goyen. ¹²Irde gayenterbe Al Kurunyen mereya dufayya bebak wor po ma teŋ hite. Gobe luŋen ain parwek beleŋ irtiŋ gore dinsokniniŋ kinniŋ gega, keŋkelak ma keneŋ hite go gwahade goyen. Goyenbe kamebe dilniniŋde kadam geneŋ teŋ hite yara Al Kurunyen mereya dufayya keŋkela wor po bebak teŋ hitek. Ningeb gayenterbe Al Kurunyen mereya dufayya kura muŋ po bebak teŋ hime gega, kamebe tumŋaŋ bebak tiyeŋ. Goyenterbe Al Kurun beŋ keŋkela wor po nurd nuneŋ hiyeŋ gwahade po, ne wor keŋkela nurd uneŋ heŋ.

¹³Be, yihim gwahade po mata hoyanbe hubu henayiŋ gega, mata karwo kurabe hubu ma wor po henayiŋ. Mata karwo gobe gahade: Yesu niŋ hekkeŋ nurd nurd mata, Al Kurun beŋ igiŋ diriyeŋ yeŋ goke doyaŋ heŋ heŋ matayabe Al Kurunya kadniniŋya niŋ amaneŋ nurd yuneŋ yuneŋ mataya gogo. Goyenbe mata karwo bana goyen folek wor pobe Al Kurunya kadniniŋya niŋ amaneŋ nurd yuneŋ yuneŋ mata gogo.

Porofet metenya naja hoyande niŋ mere mat mere teŋ teŋ mataya

14 ¹Ningeb Al Kurunya kadtinya niŋ amaneŋ nurd yuneŋ yuneŋ mata gobe gama po irde hinayiŋ. Irdeb Holi Spirityen saŋiŋde mata forok yeŋ yeŋ goyen goke Al Kurun beŋ dunwoŋ yeŋ tareŋ po gusaŋaŋ irde hinayiŋ. Gega porofet meten gobe det kurun geb, goyen dunwoŋ wor po yeŋ gusaŋaŋ irde hinayiŋ. ²Porofet meten niŋ wa gusaŋaŋ irde hinayiŋ dineŋ hime gote miŋbe gahade: al kura naja hoyande niŋ mere kurayen kurayen teŋ hiyeŋ al gobe al ma mere yirde hiyeŋ, Al Kurun mere irde hiyeŋ. Yeŋbe Holi Spirityen tareŋde mere banare niŋ goyen teŋ hiyeŋ. Ningeb meremiŋ goyen al hoyan kura beŋ bebak titek moŋ. ³Goyenpoga porofet meten teŋ haŋ marbe tumŋaŋ al saŋiŋ yird yird niŋ mere yirde haŋyen. Ningeb kadam kura tareŋ heŋ heŋ ge faraŋ yurde, biŋ yurum yirde haŋyen. ⁴Be, al kura naja hoyande niŋ mere teŋ teŋ mata teŋ hiyeŋ al gobe mata gore yingeŋ po

tarenj irde hiyen. Munanj porofet metenj tenj hiyen al gobe metenj gore kadom Yesuyen alya bereya sanjij yirde hiyen. ⁵Ningeb metenj gobe nana hoyande nij mere mat mere tenj tenj mata gote folek. Goke tenjbe denj tumnanj nana hoyande nij mere mat mere tenj tenj mata tenj hiwonj yenj nurde hime gega, porofet metenj nij wa gusunanj irke dunkeb metenj goyen tenj hiwonj yenj nurde hime. Nana hoyande nij mere mat mere tenj tenj mata gobe mere gote minj goyen tigiri tenj Yesuyen alya bereya momonj yirke tarenj hetek al minjanj hike kenem gwaha tiyyenj. Munanj hubu kenem hoyande nij mere tenj tenj mata gote iginenjbe porofet metenj gote iginenj epte ma fole iryenj.

⁶Be, kadne yago, denj hitte kunj nana hoyande nij mere mat mere tiyenjbe daha mat faranj durenj? Epte monj wor po! Gwahade tiyenj gega, Al Kurunjen dufay banare nij nikala nirke kawan momonj dird dird mata, Al Kurunjen dufay bebak tenj tagal tagal mata, porofet metenj goyen tenj tenj matayabe sabaminj tagal tagal mataya goyen gonem monj henja denj hitte kunj faranj durenj gobe iginenj ma forok yiyyenj. ⁷Gobe tikiñde nij det bulelunja gitaya gwahade yara. Gobe binfut minjmonj gega, al belenj kari yirke mere tenj hanjen. Goyenbe kenkela ma kari yirkeb mereminjbe hiburnenj geb, tikiñ daminj henj hanj yenj ma bebak tinayinj. ⁸Be, al kura fuleñare kunj kunj nij tenj bigul fu iryenj gega, kenkela ma fu irke fuleña mar kadom belenj daha matbe bebak tenjbe fuleñare kunj kunj nij gitik tinayinj? Epte monj. ⁹Ningeb gwahade goyen po, denj belenj mere tenj henja nana hoyande nij mere kura kadtiñ epte ma bebak titek mere mat tinayinjbe dahadem kadtiñ belenj meretinj nurde bebak tinayinj? Epte monj. Gwaha tinayinjbe mere gobe dulinj lawlaw yenj hanj yenj nurnayinj. ¹⁰Fudinde wor po, megenbe nenj belenj epte ma bebak titek mere kurayen kurayen budam hanj. Gega mere gobe tumnanj minj minjanj. ¹¹Goyenbe mere hoyanj kura ne belenj epte ma bebak titek goyen al kura belenj tiyyenjbe nebe mereminj gote minj ma nurenj geb, mere tenj hi al hittebe al minj hoyanj hewenj. Irde al gobe ne hitte al minj hoyanj hiyyenj. ¹²Gobe denj wor gwahade po yenj nurde hanj. Denjbe Holi Spirityen tarenjde mata forok yird yird sanjij tetek wor po nurde hanjen geb, tarenjinj go tenj gabe kadtiñ Yesuyen alya bereya sanjij yird yird nij kurut wor po yenj hinayinj.

¹³Ningeb goke tenjbe al kura nana hoyande nij merere mat mere tenj hiyenj al gobe mere tiyyenj gote minj kawan tagal tagal nij mananj Al Kurunj gusunanj iryenj. ¹⁴Fudinde, nana hoyande nij merere mat Al Kurunj mere irenj goya goyenbe tonner mere irenj gega, dufaynerbe mere gwaha tihim yenj ma nurenj. ¹⁵Ningeb daha tiyenj? Nebe tonner Al Kurunj mere irenjbe dufayner wor mere irenj. Irde tonner Al Kurunj nij tikiñ hewenjbe dufayner wor tikiñ hewenj. ¹⁶Munanj denjbe tontinje po Al Kurunj turunj irnayinjbe denj hanj bana goyen al kura meretinj bebak ma tenj hiyenj al gobe denj belenj Al Kurunj iginj nurd unenj turunj irde hanj goke epte ma

faraŋ durde “Fudinde,” yiyyeŋ. Al gobe mere teŋ haŋ gote miŋ ma bebak teŋ hiyeŋ geb, gogo epte ma haywaŋ hiyyeŋ. ¹⁷Deŋbe Al Kuruŋ mere irde heŋya igiŋ mat po turuŋ irde hinayiŋ gega, al hoyaŋ meretiŋ bebak ma teŋ hinayiŋ marbe meretiŋ gore epte ma faraŋ yuryeŋ.

¹⁸Nebe naŋa hoyande niŋ merere mat Al Kuruŋ mere ird ird matanebe kuruŋ wor po, deŋ teŋ haŋyeŋ gote folek. Niŋgeb goke Al Kuruŋ igiŋ nurd uneŋ hime. ¹⁹Nebe gwahade po naŋa hoyande niŋ mere mat Al Kuruŋ mere ird ird mata tareŋ po tanarde himyeŋ gega, Yesuyeŋ alya bereya gabu irde haŋyeŋ bana goŋ heŋbe al hoyaŋ beleŋ igiŋ bebak titek mere mat po mere teŋ al saba yirde himyeŋ. Al hoyaŋ beleŋ igiŋ bebak titek mere mat saba yireŋ kuruŋ gobe gote igineŋ miŋyaŋ. Gega naŋa hoyande niŋ mere kadne beleŋ epte ma bebak titek gore po uguŋ po saba yireŋ gobe igineŋ gam moŋ, miŋ miŋmoŋ wor po hiyyeŋ.

²⁰Niŋgeb, kadne yago, naŋa hoyande mere mat Al Kuruŋ mere ird ird mataya porofet meteŋ teŋ teŋ mataya goyeŋ teŋ heŋyabe diriŋ kalak beleŋ dufay heŋ haŋyeŋ gwahade ma teŋ hinayiŋ. Goyenbe diriŋ mamure niŋbe mata buluŋ teŋ teŋ niŋ ma nurde haŋ. Niŋgeb buluŋ teŋ teŋ niŋbe yeŋ yara heŋ hinayiŋ. Gega dufay heŋ heŋtiŋbe al parguwak beleŋ dufay heŋ haŋyeŋ yara heŋ hinayiŋ. ²¹Al kurunyeŋ asande naŋa hoyande niŋ merere mat Al Kuruŋ mere ird ird mata goke Doyaŋ Al Kuruŋ beleŋ gaha yiriŋ:

“Ne beleŋ al miŋ hoyaŋ, irde meremiŋ manaŋ hoyaŋ goyeŋ dufay yunmeke mel gayeŋ momoŋ yirnayiŋ.

Gwahade yireŋ gega merene ma nurnayiŋ,” yitiŋ hi. *Aisaia 28:11-12*

²²Niŋgeb naŋa hoyande niŋ mere mat mere teŋ teŋ mata gobe Doyaŋ Al Kuruŋ niŋ ma nurtiŋ mar hittebe Al Kurunyeŋ saŋiŋ bebak teŋ teŋ niŋ forok yeŋ haŋyeŋ. Munaŋ Doyaŋ Al Kuruŋ niŋ dufaymiŋ tareŋ irtiŋ mar hittebe gwahade moŋ. Goyenbe porofet meteŋ teŋ teŋ matabe Doyaŋ Al Kuruŋ niŋ dufaymiŋ tareŋ irtiŋ mar hittebe Doyaŋ Al Kurunyeŋ bunineŋ dufay goyeŋ bebak teŋ saŋiŋ heŋ heŋ ge forok yeŋ haŋyeŋ. Munaŋ Doyaŋ Al Kuruŋ niŋ ma nurtiŋ mar hittebe gwahade moŋ. ²³Goyenpoga Yesuyeŋ alya bereya sios tumŋaŋ gabu irde naŋa hoyande niŋ mere mat Al Kuruŋ mere irde hikeya al kura Al Kurunyeŋ mere biŋde tareŋ ma hitiŋ mar ma al kura Doyaŋ Al Kuruŋ niŋ ma nurtiŋ mar beleŋ waŋ denenbe daha dinnayiŋ. Kukuwa hahaŋ po ga dinnayiŋ geb. ²⁴Goyenbe tumŋaŋ Al Kurunyeŋ mere basaŋ heŋ tagalde hikeya al kura Doyaŋ Al Kuruŋ niŋ ma nurtiŋ mar ma Al Kurunyeŋ mere biŋde tareŋ ma hitiŋ mar kura beleŋ waŋ mere go nurnayiŋbe mere nurnayiŋ kuruŋ goreb mata buluŋmiŋ kawan yirde biŋ yakamkeb, “Fudinde, neŋbe mata buluŋ mar,” yeŋ nurnayiŋ. ²⁵Al Kurunyeŋ mere basaŋ heŋ heŋ mata gore go mar gote dufaymiŋ banare po hitiŋ goyeŋ kawan yiryen. Irkeb mel gore dokolhoŋ yuguluŋ teŋ Al Kuruŋ doloŋ irde kawan po, “Fudinde, Al Kurunbe denya hi!” yenayiŋ.

Igin mat Al Kurun doloŋ ird ird mata

²⁶Niŋgeb, kadne yago, gabu ird Al Kurun doloŋ ird ird mata niŋ daha yewen? Be, Al Kurun doloŋ irniŋ yeŋ gabu irdeyabe al kurabe tikiŋ hiyyen, ird kurabe saba diryen, ird al kurabe Al Kurunyen dufay banare niŋ goyen ikala irke tagalyen, ird kurabe naŋa hoyande niŋ mere mat mere tiyyen, ird al kurabe mere goyen tigiri ten miŋ bebak diryen. Goyenbe mata gwahade kurun gobe den sios tumŋaŋ saŋiŋ heŋ heŋ ge ten hinayiŋ. ²⁷Niŋgeb al kura naŋa hoyande niŋ mere mat mere tiye yeŋ nurdeb irawa ma karwo gwahade beleŋ po mere tinayiŋ. Al hoyan kura sopte ma mere tiyyen. Irde kura kame mere tinayiŋ. Wawun unŋkurende po tumŋaŋ mere titiŋ ala ma tinayiŋ. Be, gwaha ten heŋyabe mere go tigiri ten bebak dird dird al manaŋ hiyen. ²⁸Munaŋ mere go tigiri titek al miŋmoŋ kenem mere go titek albe gabu irnayeŋde gorbe balmiŋ po hiyen. Irde yeŋya Al Kurunya po balmiŋ mere ten hiriryen.

²⁹Be, porofet meten ten ten mata gobe al irawa ma karwo beleŋ tagalnayiŋ. Irke al hoyanbe meremiŋ gobe fudinde Al Kurunyen mere ma dahade goyen keŋkela dufay henayiŋ. ³⁰Be, den gabu ird keperde hinayiŋ bana goyen Al Kurun beleŋ dufaymiŋ banare niŋ goyen al kura ikala irkeb huwarde tagalen tikeb al kura meheŋde huwarde tagalde hiyen al gobe keperde balmiŋ po hiyen. ³¹Gwaha ten hinayiŋbe Al Kurunyen mere banare hitiŋ goyen tagaltek marbe tumŋaŋ tagalde hinayiŋ. Gogab kadam saba gird ten tumŋaŋ tareŋ heŋ hinayiŋ. ³²⁻³⁴Al Kurunbe dufay keŋkela ma heŋ mali mali mata ma ten hiyen. Yeŋbe biŋ kamke igiŋ heŋ heŋ gote miŋ al. Niŋgeb Holi Spirityen tarende porofet meten titek al gobe meten goyen igiŋ mat doyan ird meten ten hiyen.

Be, berebe Yesuyen alya bereya gabu irtiŋ bana goŋ heŋyabe mere ma ten hinayiŋ. Mata gobe Al Kurunyen dirnen wen Yesuyen alya bereya beleŋ gwaha ten hanŋyen. Berebe Yesuyen alya bereya gabu irnayeŋ bana goŋ epte ma mere kawan tagalde hinayiŋ. Gwaha titenŋbe Moseyen sabare yitiŋ gwahade po, Yesuyen alya bereyat doyan marte mere nurde gama po ird hinayiŋ. ³⁵Munaŋ mere ma mata kura goke gusuŋaŋ hiniŋ yeŋ nurdeb yamiŋde kuŋ gab un yago gusuŋaŋ yirde hinayiŋ. Bere beleŋ Yesuyen alya bereya gabu irtiŋ diliŋ mar huwarde kawan po mere ten ten mata gobe memyak. ³⁶Ga diniŋ hime gabe den Korin mar beleŋ, “Al Kurunyen merebe nen hitte mat forok yiriŋ,” yeŋ hanŋyen, ird, “Al Kurunyen merebe nen muŋ po ga nurtiŋ,” yeŋ hanŋyen yeke nurmiŋ geb, gago diniŋ hime.

³⁷Be, al kura yingen ge yeŋ, “Nebe porofet,” yeŋ nurde hi, ird kurabe, “Holi Spirityen saŋiŋde mata forok yeŋ yeŋ tarennem yaŋ,” yeŋ nurde hi kenem al gobe ne beleŋ den hitte asaŋ ga kaŋ saba dirde hime gayenbe Doyan Al Kurunyen mere tareŋ yeŋ nuryen. ³⁸Munaŋ al gore mere ga

nurde ma nurhem nurhem tej wasak po tej hiyenbe Doyan Al Kurun wor gwahade po iryen.

³⁹Ningeb, kadne yago, Al Kurunyen mere basan hej tagaltek wor po nurde hinayin. Irde naja hoyande nin mere mat Al Kurun mere ird ird mata goke utan ma yirde hinayin. ⁴⁰Goyenpoga mata go tej henyebe huginen igin mat mata tej hinayin. Irde al mali mali huwarde hiburgen ma tej hinayin.

Yesu kamyinde mat huwaryin

15 ¹Be, kadne yago, han kapya Yesu nin yitin mere igin goke den hitte tagaltin goyen bitin bak yen yen ge sopte momon diren yen nurde hime. Denbe mere igin gayen nurde goke dufaytin sanin yirtin han, irde mere go po gama irde tarej po huwarde han. ²Ningeb mere igin ne belej den hitte tagalmirin goyen tarej po tanarde bada ma hej gama po irde hinayinbe mere igin go hende po sanin hej hike Al Kurun belej dumulgan tiyyen. Gwaha ma tej hinayinbe dufaytin yen ge tarej irtin gobe min minmon hiyyen.

³Ga dinen hime gabe mere kurun Doyan Al Kurun belej momon nirtin goyen basan henbe momon dirmirin geb, gago sopte dinen hime. Mere gobe gahade: Yesu Kristube Al Kurunyen asande katin gwahade po, nende mata bulun nin tej kamin. ⁴Irke mete tiyamin. Gega Al Kurunyen asande katin gwahade po, kamyinde mat yerenkek hekeb huwaryin. ⁵Irde Pita hitte forok yen gab Komatmin 12 hitte forok yirin. ⁶Be, go kamereb wawun unkuende alya bereya 500 folek gwahade, yen gama irde hinhan mar dilinge forok yirin. Go mar goyen kurabe kaman gega, budambe han. ⁷Be, Yesube mel go hitte forok yen gabe Yems hitte forok yirin. Irdeb mere basan marmin aposel tumnan hitte forok yirin. ⁸Be, nen aposel hitte forok yen hinhin goyen ne hittebe funan wor po forok yirin. Nebe dirin kura kawan hej hej nalu hako hikeya kukuwamen kawan hitin yara al kenkelak mon gega, ne hitte wor forok yeke delner kinmirin.

⁹Nebe aposel gega, denne turnun yan mon. Goyenbe aposel hoyanbe denem turnun yan, ne folek wor po. Ningeb al hoyan belej ne gayen aposel nintek ma hime yen nurde hime. Gobe Al Kurunyen sios goyen bulun bulun yirde hinhem geb, gago dinen hime. ¹⁰Goyenpoga Al Kurun belej buninen nirde igin igin niryin geb, gayenterbe al gahade hej metenmin tej hime. Yen belej buninen nirde igin igin niryin gote iginenbe kurun wor po. Ningeb nebe gogo yen ge tej meten kurun wor po tej hinhem. Aposel hoyan belej meten titin gote folek wor po meten tej hinhem. Goyenbe nigen tarende ma meten gwahade tej hinhem. Al Kurun belej buninen nirde igin igin nirkeb gogo go hende huwarde meten tej hinhem. ¹¹Ningeb ne manan, aposel hoyan manan tumnan

mere igiŋ goyen tagalde tukuŋ hinhet. Irke deŋ beleŋ nurde mere igiŋ goke dufaytiŋ saŋiŋ iramiŋ.

Al kamtiŋbe huwarnayiŋ

¹² Goyenpoga deŋ haŋ bana goyen al kurabe mere igiŋ goyen buluŋ mat tagalde haŋ. Neŋ beleŋ Yesu Kristu kamyiŋde mat huwariŋ goke tagaltiriŋ gega, dahade niŋgeb go mar gobe al kamtiŋbe epte ma huwarnayiŋ yeŋ haŋ? ¹³ Al kamtiŋbe epte ma huwartek manhan Yesu Kristu wor go ma huwarwoŋ. ¹⁴ Irde Yesu Kristu huwariŋ moŋ manhan goke tagalde hityen gobe miŋ miŋmoŋ hewoŋ. Irde goke dufaytiŋ tareŋ irtiŋ go wor miŋ miŋmoŋ hewoŋ. ¹⁵ Irde al kamtiŋ sopte huward huward mata gam moŋ manhan Al Kuruŋ beleŋ Yesu Kristu isaŋ ma hewoŋ. Goyenbe Al Kuruŋ beleŋ Yesu Kristu isaŋ hiriŋ goke neŋ beleŋ tagalde hityen geb, meteriŋ Al Kuruŋ beleŋ ma tiyyiŋ goyen usi teŋ al hoyariŋ momoŋ yirde hite yeŋ nurtewoŋ. ¹⁶ Al kamtiŋ huwarnayiŋ moŋ manhan Yesu Kristu wor kamyiŋde mat ma po huwarwoŋ. ¹⁷ Irde Yesu Kristu huwariŋ moŋ manhan goke dufaytiŋ tareŋ irtiŋ go wor miŋ miŋmoŋ hewoŋ. Irde gayenter wor mata buluŋ bana po hiwoŋ. ¹⁸ Irde yeŋ ge dufaymiŋ saŋiŋ irdeya ga kamtiŋ mar wor mata buluŋ bana po heŋya kamaŋ geb, Al Kuruŋ hitte epte ma kuwoŋ. ¹⁹ Yesu Kristu beleŋ heŋ heŋniniŋ igiŋ ird ird gobe megen gar hitekeya po igiŋ iryeŋ yeŋ goke doyaŋ heŋ hityen manhan al bunineŋ wor po hetewoŋ. Irde al bunineŋ megen gar haŋ gote folek buluŋ wor po hetewoŋ.

²⁰ Goyenpoga Yesu Kristube kamtiŋde mat huwardeb al kamtiŋde mat kame huwarnayiŋ kuruŋ gote miŋ al hiriŋ geb, al kamtiŋ mar goyen wor kame huwarnayiŋ. ²¹ Al uŋkureŋ beleŋ mata buluŋ miŋ urke kamde kamde mata forok yiriŋ. Niŋgeb gwahade goyen po, kamtiŋde mat huward huward wor al uŋkureŋ beleŋ miŋ uryiŋ. ²² Adam beleŋ mata buluŋ miŋ uryiŋ geb, yeŋ kamere forok yitiŋ marbe tumŋaŋ kamde haŋyen gwahade po, Yesu Kristu beleŋ kamtiŋde mat huwariŋ geb, al hoyariŋ wor kamtiŋde mat huwarnayiŋ. ²³ Goyenbe kamtiŋde mat mali mali ma huwarnayiŋ. Yesu Kristube yeŋ wa bikkeŋ kamtiŋde mat huwariŋ. Be, kuŋ kuŋ yeŋ sopte mulgaŋ heŋ waŋ waŋ nalure alya bereyamiŋ wor huwarnayiŋ. ²⁴ Go kamereb nalu funaŋ wor po forok yiyyeŋ. Goya goyenbe Yesu Kristu beleŋ Satanyen tareŋya megen niŋ doyaŋ marte tareŋya tumŋaŋ gwamuŋ yuryeŋ. Irdeb yeŋ beleŋ alya bereyamiŋ doyaŋ yird yird mata goyen Naniŋ Al Kuruŋ haniŋde kiryeŋ. ²⁵ Mata gobe gahade: Yesu Kristu beleŋ alya bereyamiŋ doyaŋ yirde hiyeŋ. Irke kuŋ kuŋ Al Kuruŋ beleŋ Yesuyen asogom tumŋaŋ yukuŋ Yesu kahaŋ miŋde yerke yufurka tiyyeŋ. ²⁶ Irdeb yeŋ beleŋ gwamuŋ uryeŋ det funaŋbe kamde kamde mata geb, mata goyen pasi wor po kiryeŋ. ²⁷ Gobe, “Al Kuruŋ beleŋ det tumŋaŋ yende yufukde yerke doyaŋ yirde

hi,” yitiŋ geb, gwaha po tiyyen. Be, “Det tumŋaŋ yende yufukde yerke” yitiŋ mere gobe Al Kurun beŋ det tumŋaŋ yade Yesu Kristuyen yufukde yiryiŋ geb, Al Kurun yingenbe Yesu Kristu yufukde ma hi gobe keŋkela wor po nurde hite. ²⁸Goyenpoga kame det tumŋaŋ Al Kurun beŋ Yesu Kristuyen yufukde yerde pasi iryen nalurebe Urmiŋ Yesu Kristu wor gwaha iryen al Al Kurun yufuk bana hiyen. Gogab Al Kurun beŋ det kurun gate Doyaŋ Al Kurun heŋ doyaŋ yirde hiyen.

²⁹Be, deŋbe al kamtiŋ niŋ teŋ baptais teŋ haŋyen. Goyenbe al kamtiŋbe ma huwarnayiŋ yeŋ nurde haŋ kenem daniŋ al katmiŋ mar goke baptais teŋ teŋ mata teŋ haŋyen? Al kamtiŋbe epte ma sopte huwarnayiŋ kenem daniŋ geb albe al kamtiŋ mar goke teŋ baptais teŋ haŋyen? ³⁰Irde neŋbe daniŋ Yesu niŋ teŋbe gise haŋka mudunke kamtek kanduk yeneŋ hityen? ³¹Fudinde, kadne yago, ne hittebe gise haŋka hugiŋeŋ kamde kamde mata forok yeŋ haŋyen gwahade yara, gise haŋka kanduk yeneŋ ulne misiŋ kateŋ himyen. Ga diŋeŋ hime gabe deŋ tumŋaŋ Doyaŋ Al Kurunniŋ Yesu Kristuya haŋ goke amaŋeŋ nurde himyen geb, gago momoŋ dird dird niŋ kama ma heŋ hime. ³²Ne gayen Efesus taunde niŋ mar kulu duwi yara gore bulun wor po nirke kanduk go fole ire yeŋ kurut yeŋ hinhem. Goyenbe dufay igiŋ moŋ megen gar po igiŋ heŋ heŋ ge dufay bener kerde gwaha timiriŋ manhan matane gore da igiŋ forok irde nunwoŋ? Hubu wor po. Al kamtiŋ epte ma sopte huwarnayiŋ kenem, “Gisebe kamtek. Niŋgeb dula teŋ kukuwa fe nene amaŋ po hiniŋ,” yeweŋ. ³³Goyenbe gwahade moŋ geb, usi mere goyen fudinde yeŋ ma nurde hinayiŋ. Kadtiŋ kura mata bulun teŋ haŋ gore matatiŋya dufaytiŋya igiŋ goyen bulun yirnayiŋ geb, gago diŋeŋ hime. ³⁴Niŋgeb keŋkela dufay heŋ mata bulun ma teŋ hinayiŋ. Deŋ haŋ bana al kurabe Al Kurun keŋkela ma nurd uneŋ haŋ. Mere ga dirde hime gabe merene gayen nurde memya henay yeŋ gago diŋeŋ hime.

Al kamtiŋde mat huwarnayiŋ mar gote uliŋbe hoyay wor po henayiŋ

³⁵Be, goyenbe deŋ haŋ bana al kura beŋ, “Al kamtiŋbe daha mat huwarnayiŋ? Irde huwardeb uliŋbe dahade henayiŋ?” yeŋ gusuŋaŋ heŋ haŋyen. ³⁶Mere gwaha teŋ haŋ marbe kukuwamŋeŋ wor po! Deŋ beŋ det muykeŋ hartiŋ go ma kamyenbe gor mat dahadem det gergeŋ forok yiyyen? Epte moŋ. ³⁷Det kura hare yeŋbe kame forok yiyyen pigiŋ yaŋ gwahade ma harde haŋyen. Det gote bilmiŋ, wit muykeŋ ma det hoyay harde haŋyen. ³⁸Goyenpoga Al Kurun beŋ muykeŋ gote pigiŋ forok yiwi yeŋ nuryen gwahade po forok yeŋ hiyen. Muykeŋ yuŋkuren yuŋkuren gote pigiŋbe hoyay hoyay po forok yirde hiyen ³⁹Gwahade goyen po, det uliŋbe tuŋande moŋ, hoyay hoyay. Alyenbe hoyay, megen niŋ dapŋa gote uliŋbe hoyay, nuyenbe hoyay, irde fete niŋ dapŋa gote uliŋ wor hoyay. ⁴⁰Irde naŋkiŋbe gor niŋ det miŋyaŋ, irde megenbe

gor niŋ det minyaŋ. Goyenbe naŋkiŋde niŋ det buda gote umŋamiŋbe nende gigen hoyan hoyan, irde megen niŋ det buda gote umŋamiŋ wor nende gigen hoyan hoyan po haŋ. ⁴¹ Niŋgeb naŋa diliŋ gote umŋambe hoyan, irde gagasi gote umŋambe hoyan po. Dinambe haŋ kurun go wor umŋambe nende gigen haŋ.

⁴² Be, al kamtiŋde mat huwarnayiŋ wor gwahade po uliŋbe hoyan wor po henayiŋ. Al uliŋ pigiŋbe bida henayiŋ gega, kamtiŋde mat huwarnayiŋbe hugiŋeŋ hinayiŋ. ⁴³ Irde al hakwambe bida heŋ buluŋ henayiŋ gega, huwarnayiŋbe uliŋ gob igiŋ muŋ turuŋ yaŋ henayiŋ. ⁴⁴ Al kamke mete titek hakwam gobe uliŋ megen niŋ po gega, sopte huwarnayiŋ gobe Al Kurunyen gasuŋde niŋ henayiŋ.

Be, dilniniŋde yeneŋ hite gayen uliŋ pigiŋ minyaŋ haŋ kenem Al Kurunyen gasuŋde niŋ wor uliŋ pigiŋ minyaŋ haŋ. ⁴⁵ Goke Al Kurunyen asaŋde, “Haŋkapyo wor po al tiŋeŋ forok yiriŋ gobe Adam. Yeŋ hitte mat al fuful tiyyiŋ,” yitiŋ hi. Goyenpoga al hoyan Adam yara kame wor po forok yiriŋ. Yeŋbe Yesu Kristu, Al Kurunya hugiŋeŋ heŋ heŋ goyen al yuneŋ yuneŋ gote miŋ al hiriŋ. ⁴⁶ Al Kurunyen gasuŋde niŋ uliŋbe go wa ma forok yiriŋ. Megen niŋ uliŋ wa forok yeke gab Al Kurunyen gasuŋde niŋ uliŋ gogo kame forok yiriŋ. ⁴⁷ Al haŋkapyo wor po forok yiriŋ gobe Al Kurun belen megen niŋ mulowo po yade forok iryiŋ. Gega al kame forok yiriŋ Yesu Kristube Al Kurunyen gasuŋde mat forok yiriŋ. ⁴⁸ Adam uliŋbe megen mat forok yiriŋ gwahade po, megen haŋ marte uliŋbe Adamyen uliŋ gwahade minyaŋ haŋ. Gega al kura Yesu Kristuya haŋ marte uliŋbe kame kamtiŋde mat huwarde Al Kurunyen gasuŋde haŋ mar gote uliŋ yara henayiŋ. ⁴⁹ Gayenterbe neŋ gayenbe megen niŋ al Adam yara hite. Gega kamebe Yesu Kristu Al Kurun hitte mat watiŋ gwahade hitek.

⁵⁰ Be, kadne yago, mere direŋ tihim gobe gahade: neŋ ulniniŋ megen po yirtiŋ gayen manaŋ heŋyabe epte ma nalu funaŋde Al Kurun belen alya bereyamiŋ doyaŋ yird yird bana goŋ hurkunayiŋ. Niŋgeb det buluŋ heŋ hubu hetek gore epte ma det hugiŋeŋ hitek bana goŋ hinayiŋ.

⁵¹ Niŋgeb mere banare hitiŋ goyen momoŋ direŋ tihim geb, keŋkela nurnaŋ ko. Merebe gahade: neŋ kurun gayen tumŋaŋ ma kamtekeya nalu funaŋ goyen forok yiyyeŋ. Kurabe kamnayiŋ, munaŋ kurabe go ma kamnayiŋ. Gega nalu goyenterbe kamnayiŋ maryo go ma kamnayiŋ maryo goyen tumŋaŋ ulniniŋ hoyan wor po henayiŋ. ⁵² Goyenterbe nalu funaŋde niŋ bigul mere tikeb goyare po ulniniŋbe hoyan wor po hiyyeŋ. Bigul go mere tikeb al kamtiŋ marbe huwarde uliŋ gobe sopte buluŋ ma heŋ hugiŋeŋ igiŋ po hinayiŋ. Irke neŋ kurabe ma kamdeya ulniniŋ hoyan hiyyeŋ. ⁵³ Gobe megen niŋ ulniniŋ bida hetek gabe yubul teŋ ulniniŋ bida ma hetek goyen yawartek geb, gogo ulniniŋ hoyan hiyyeŋ. Ulniniŋ belneŋ hitek gabe kame ulniniŋ hugiŋeŋ hitek hiyyeŋ. ⁵⁴ Ulniniŋ bida heŋ belneŋ po hitek goyen yubul teŋ ulniniŋ gergeŋ bida ma heŋ hugiŋeŋ

hitek goyen yawartek goke Al Kurunyen asande katin mere gobe fudinde. Mere gobe gahade:

“Kamde kamde matabe hubu hiyuj. Nenbe mata go fole irtin.”

Aisaia 25:8

55 “Kamde kamde mata, gebe epte ma fole dirayin.

Kamde kamde mata, gebe epte ma dakamayin,” yitin hi. *Hosea 13:14*

56 Be, yitin gwahade po, kamde kamde gote kilibe mata buluj geb, mata buluj goreb al hitte kamde kamde forok iryin. Moseyen sababe al belej epte ma kenkela gama irtek geb, nej al gayen mata buluj mar dinen dinen tarejbe sabare gor mat waj hi. 57 Goyenpoga nejbe Doyan Al Kuruninin Yesu Kristuya hitekeb Al Kuruj belej mata bulunya kamde kamdeya fole yird yird sanin dunyin geb, goke igin wor po nurd unej hite!

58 Ningeb, kadne yago, tarej po hej yul ma yej huginen Doyan Al Kuruj nin meten tarej po tej hinayin. Dej belej Doyan Al Kuruj nin tej meten tej huginen kurut yej hanjen gobe dilinde min minmon ma hiyyen yej nurde han gogo.

Yesuyen alya bereya Yerusalem han goyen faran yurd yurd nin mere

16 1 Be, Al Kurunyen alya bereya faran yurtek yej hora gabu ird ird nin gusanan niran goke wol hej momon diren tihim. Ne belej Galesia nanare nin Yesuyen alya bereya goyen gwaha gwaha tinayin yinmeke tiyamin gwahade goyen po, dej wor mata gwahade po tinayin. 2 Ningeb meten tej gote murungem hora yadeb kura pota yirde Sandemin Sandemin yawan gabu yirde hinayin. Hora kuruj tej han marbe kuruj pota yirde hinayin, munan hora dirnen yade han marbe dirnen pota yirde yawan gabu yirde hinayin. Gogab dej hitte kumeke goyare po gab hora gabu yirnin yirnin ma tej hinayin. 3 Be, ne kuj forok yemekeb Yerusalem nin sios yuntek hora goyen yej belej ga yukun yunnayin yej al kura yawarnayin. Irkeb ne belej mel gobe al gwahade yej Yerusalem mar nin asan kayen goyen manan yunmeke gab tej kunayin. 4 Irde ne wor mel goya tumnan kutek gobe min minyan kenem neya tumnan kutek.

Korin kuj kuj nin tagalyin

5 Be, nebe Masedonia nana belej kuj kuj nin dufay hej himyen geb, bana gore mat kuj kuj gab dej hitte kwen. 6 Kuj denya ulyande yara hini yej nurde hime. Irde meje huwarde nana buluj hiyyen nalure goyen manan gor po hej wet yej nurde hime. Go kamere gab gon kura kwe yej nuren goyen faran nurke kwen. 7 Gobe dulin kuj denman kuj kuj nin ma nirde hikeb gago dinen hime. Doyan Al Kurunyen dufay kenem denya ulyande yara hitek yej nurde hime. 8-9 Goyenpoga Efesus

taunde garbe Al Kurunyen meten kurun kenkela meten titek goyen forok yen hi geb, gar hen meten ten Pentekos nalu heke gab den hitte kwen. Garbe al budam Al Kurunyen mere fudinde yen nurde han. Goyenbe budambe asogo nirde han.

¹⁰ Be, Timotibe den hitte kuyen. Ningeb den belen kenkela faran urde hikeb denya hen hen ge kafura ma hiyyen. Yen wor ne ten hime yara Doyan Al Kurunyen meten ten kun hi. ¹¹ Ningeb palap po irde hinayin. Irde yen belen ne hitte mulgan hen wan wan nalurebe hantien yerde unen guram irde tareen irdeb tubul tike bin kamkeya wayyen. Nebe Timoti goyen gor nin Yesu nurd untien mar kura goya wanayin yen doyan hen hime.

¹² Be, kadne Apolosbe kadomya den hitte kunayin yen inen teban irde himyen gega, kutek ma irde hiyen. Goyenbe kutek nalu kura forok yeke gab kuyen.

¹³ Be, denbe kenkela hen ga hinayin. Irde Doyan Al Kurun nin hekken nurdeya hinayin. Irde kafura ma hen tareen po hen hinayin. ¹⁴ Irde meten ten hinayin kurun gobe bitien hugien al hoyan nin amanen nurd nurd dufay goyen hikeya ga meten ten hinayin.

¹⁵ Be, denbe Akaia nana bana gon nin albe Stefanasya yenna hanjen marya gore wa Yesu nin dufaymin sanien irdeb Al Kurunyen alya bereya hoyan faran yurd yurd meten goyen tinien yen nurde meten ten hanjen gobe nurde han gogo. Ningeb, kadne yago, denbe ¹⁶ mel goyen tumnan palap yirde hinayin. Irde al kura yen meten ten hanjen gwahade meten ten hike yenenbe go wor palap yirde hinayin. ¹⁷ Nebe Stefanasya Fotunatusyabe Akaikusya wake neya hite goke amanen nurde hime. Den denmewon wor po yen nurde himyen goyenpoga, mel ga wan forok yekeb tumnan denhem yara nurdeb aman hen hime. ¹⁸ Yenbe denya hen faran durde hike bitien kamke hinhan gwahade goyen po, wan gar ne wor gwahade po nirde han. Ningeb denbe al gwahade goyen palap yirde hinayin.

Mere funan

¹⁹ Be, Esia^f nana bana nin sios neya hite mar belen den ge dufay hen han goyen momon yirayin ninkeb gago dinen hime. Irde Akwilaya berem Prisilayabe yamien gabu irde Doyan Al Kurun dolen irde han marya belen wor den ge ug po dufay hen han geb, gago bebak dirde hime. ²⁰ Irde Yesu nurd untien mar hoyan gar han wor tumnan den ge dufay hen han geb, gago momon dirde hime. Denbe kadom gargar gird ten henyabe bitien bana mat fudinde wor po kadom gargar girde ten hinayin. Gobe Al Kurun dilien wukkek wor po geb.

^f 16:19 Esia nana gobe gayenter nin Esia nana kurun goke ma yitien. Gayenterbe Turki inen hanjen.

²¹Be, funaŋbe nigeŋ hanner wor po deŋne gahade kaŋ asaŋ ga paŋi ireŋ tihim – POL.

²²Be, al kura Doyaŋ Al Kuruŋ niŋ amaŋeŋ ma nurd uneŋ haŋ marbe Al Kuruŋ beleŋ karan yurke buluŋ wor po henayiŋ. Doyaŋ Al Kuruŋniniŋ, araŋeŋ wayayiŋ!

²³Be, Doyaŋ Al Kuruŋ Yesu beleŋ buniŋeŋ dirde igiŋ igiŋ dirwoŋ yeŋ nurde hime.

²⁴Neya deŋyabe Yesu Kristuya tumŋaŋ hite geb, deŋ ge amaŋeŋ wor po nurd duneŋ hime. Fudinde wor po. Gogo po.